

黔南叢書 第二集第五冊

庚午秋惠清贈于均平

修

黔南叢書第二集第七種

續黔書

據粵雅堂叢書本校印

辛卯之四月余既改外職七月筭得黔之玉屏客有過予寓者輒問曰黔之天則蠻煙熨兩黔之地則鳥道蠶叢其人則紅獐紫蓋其俗則鳴張鼠伏宦斯土者遑逞鄙夷之願旦夕卽去若陋不可居者今子何际之易而樂往焉予曰予誠不知人之何以裹足於黔而予之际黔則猶齊州也昔者莊蹻盜兵唐蒙略地而道通漏臥臣屬斯榆迨夜郎僞王牂柯置守馬忠典郡東謝請朝雖屬羈縻亦奉征調二路十二部李唐乃有貴州之稱

續黔書序

一

黔南

貴陽交通書局代印

八番十八衛明世而有專藩之設泊入聖朝易椎髻而冠裳之刊枿芳而郡縣之剗邛籠而守圍之百餘年來蓋浸浸乎濟美華風矣且其鏐錫兜儻可圖王會也蘆笙箭鏃可入國風也木瓜金筑沿革可稽也鼈磯龍洞幽勝可探也白水碧雲奇情可詠也諸葛禰牙之地李恢鑿戰之方尹珍讀書之宅山圖尋藥之厓可題襟而散煩胸也豈僅睠懷遷謫之李白客曰我之所慮者以其地苗獞叢聚嫫劃左言不知文字悍獠好殺攻劫畔亂不可以中國之治治也而子又年少吾是以云余笑

曰子奇之爲阿邑令子其知之矣虞詡之爲朝歌宰我
其試之矣夫狢狢狢狢之屬亦人耳昔也聞干羽而格
今則恃爪牙爲難吾未之能諶也儻使撫綏有方恩威
兼濟則可以致其死力而又奚患之生善乎馬平主簿
孔性善之言曰谿洞蠻獠雖常梗化亂豈無因昔陳景
文爲令狢獠皆應差徭厥後撫字乖方始乃反側誠使
守令得人示以恩信諭以甌福亦當革心而田禾叔亦
云邊方之官非有爲不足或亂非有守不足服人非久
任不能諳土俗是誠治夷之寶鑿也予不敏髦髦孟晉
之矣客喜而退知予非徒言之也今采掇方俗爲黔中
紀聞以田霞綸先生著黔書改曰續黔書次其言爲敍
以正鴻筆麗藻之君子嘉慶九年六月十五日

續黔書序

二

黔南叢書

貴陽文通書局代印

續黔書目錄

卷一

星野

地界

捍水議

苗警

驛站

夫馬

治盜

續黔書目錄

一

毒蠱

假銀

詛盟

茂學篇

修文昌宮記

卷二

祭三閭大夫文

竹王

莊豪

馬王辯

黑神

北陰神

柴冲大王

李白至夜郎辯

懷白亭

王昌齡墓

謁王陽明先生祠記

十八先生墓

續黔書目錄

二

黔南叢書
貴陽文通書局代印

盤瓠

紫姑

卷三

黔中

夜郎

龍標

廢牂牁郡

牂牁江

羅甸

八番

銅仁

苟扇洞

豚水

卷四

萬卷書巖

遊紫氣山記

遊東山記

重遊東山記

續黔書目錄

三

黔南叢書
貴陽文通書局代印

飛鳳山

遊白雲山記

梵淨山

遊飛雲巖記

遊黔靈山記

遊牟珠洞記

鮎魚洞

諸葛洞

響琴挾

相見坡

聖泉

卷五

多雨

歧舌

醫方刻石

石刻

俗字

川字

續黔書目錄

四

釐字

生六男

化虎

呪尸爲魚

石棺

人疴

風鬼

鐘鬪

馬化石

雷擊六人

卷六

官鑄

鹽

茶

女酒

革器

洞錦

鐵笛布

續黔書目錄

五

黔
南
叢
書
貴陽通書局代印

金星硯

苗刀

神黃豆

鮮客

燕麥

羊肚菌

降真香

卷七

梓柎租

邛竹

重臺蓮

蘭

長壽草

朱草

海棠

蠟樹

卷八

孝獸

續黔書目錄

六

黔南叢書
貴陽文通書局代印

豪彘

水馬

小羊

箐雞

人首魚

鱸魚

小蠊

圓蛇

唧唧

九香蟲

續黔書目錄

七

黔南叢書
貴陽文通書局代印

武威張 澍壽穀

星野

漢武帝設益州領越巂犍爲牂牁三郡今越巂犍爲屬
蜀牂牁所隸二十四邑貴陽以上皆其地也陳卓謂牂
牁入參五度而班固謂東井與鬼秦之分野西南牂牁
越巂二州皆宜屬焉常璩華陽國志云牂牁上當天井
則自平越以上其爲參井無疑沈思克獨以鎮遠銅仁
思州黎平爲柳星之餘夫全楚之分沅湘長沙武陵桂
陽零陵以及白帝房陵南郡江夏皆屬翼軫黔實近楚
則思州思南銅仁鎮遠石阡黎平六府當爲翼軫之餘
非注張也

地界

玉屏舊屬楚衛田止軍屯自國朝雍正五年裁衛設縣
始隸黔劃麻沅兩屯歸楚僅存一平屯分爲兩甲一甲
二十戶二甲十三戶共三十三戶亦甚畸零矣而田疇
或屬於楚之芷江或屬於銅仁或屬於清谿或屬於思
州毋亦非分畫畫井之道乎然予稽察輿圖不獨玉屏

也黔之州縣皆然有所屬鄉邨去治三四百里者有城門之外卽爲鄰屬者有此州之地併入他縣他縣之地併入此州者又有管轄之地中多隔越或距境一二百里或隔三四州縣而地丁名糧亦隸於他縣者又有循所之屯與民地相連浸久而迷其版籍遇有審訊案件提拘不至則曰我某縣籍也及於某縣有犯則又曰我某縣籍也盜賊之越貨禦人有司者捕之輒歛忽往來莫可縱跡適足以藪奸誨逋雖有保甲不能行也甚則越佃占水訟牒不已至於爭鬪殺傷事變胡可勝言周禮形方氏掌制邦國之地域而正其封域無有華離之地誠使留心國計之大吏繪圖入告爲之改其幅員均其大小正其錯互清其軍民吾知地邑民居必參相得有司亦獲以盡其撫綏之方則訟獄息而風俗淳矣昔子輿氏告戰國之君猶以爲經界不正則土地不均穀祿不平然則正經界固仁政之首務哉

附舟抵玉屏境詩

書巖環芷水風景最雙清樹杪交帆影山中禽櫛聲蘇塗石寺小并幹竹樓輕江上乘舟客回頭時使旌

捍水議

玉屏雖叢爾邑爲黔門戶扼楚咽喉形勢據其衝要而城濱大江每多水患勝國天順二年隆慶三年天啓元年屢被潰決入國朝康熙二十七年五十九年泉乾隆元年二十一年四十四年並遭洪流民居蕩析近者值雨澤浸多水輒至康衢余承乏之三月陰霖日久漚江暴漲驚濤潰薄水不入圍者僅尺許心甚憂之蓋江流自清浪入熊谿城西有獅子峯雄踞江口水無所泄其怒北有鎮平玉屏兩山作障則水不得不折而東而城

續黔書卷一

三

黔南叢書

貴陽文通書局代印

當其衝下流則書巖蓮峯隔江夾峙碕岸旣狹疏瀉未易勢亦逾奮迅倘山潦衝溢則水必不能歐山以行而與城爲難矣是吾無止水之防而非水自潰其防也吾無容水之地而非水據吾之地也移城以避之則費巨費巨則庸愚駭委城以與之則殃民殃民則蒼旻怒且如國家設有司之謂何暇日步郊坰相地勢思有以捍之議自北門至館驛取江中巨石砌之爲塘高一丈仍於土石堆積之處掘之以壯江身俾廓而有容用工不過百人爲期不過一月則居民可免淪胥之患陽侯不

得憑汎濫之威矣會余調署遵義不果行姑存其議以俟後之克舉者

附鎮平山詩

蘭若背江開題襟避暑來羣峯青靺鞨一水綠莓苔慈竹縈裊帶簷花落酒杯坐深雲罨靄長念咒龍才

苗警

楚南鎮筸與黔之銅仁接壤箐深地阻蠢苗蠡聚性獷悍甚攻鬪劫殺無日無之每扇爛銅苗輒與之犄角壬戌年穀不登越貨於路塗之人咸裹足焉屆歲莫鳩合

續黔書卷一

四

黔南叢書

貴陽文通書局代印

魏類刑牲壯穆廟號其魁爲大王期以正月十六日犯銅仁玉屏與銅密邇汎兵五十前撥三十駐正大營存者僅二十耳城垣傾頽無巖壘足守邑之人讐於竹山之役嘉慶二年事咸覬覦焉驚余謂屏邑雖小苗不足憂也

龍塘當印水之衝界牌扼鬼廬之要地險旣得防守斯宜城北六十里之蠟巖苟選鄉兵數百占護山梁則銅仁施谿六洞水銀等山之苗不能至城南六十里之壩坪苟選鄉兵數百碁布澗谷則南路革谿天塘之苗西路新谿南洞之苗至則授命北有平江鴻波湓盪不可

以厲檄漁人而藏其舟楫苗豈能飛渡耶余旣以解父老之惶惑方欲召募壯勇部署糗糧執旌以爲妖徒先會鳳凰廳傅司馬率健兒至誘其渠擒之餘各鳥獸散矣聞違者荆蠻之叛黃瓜寨掘地得古碑有火龍飛入黔南地二月興工八月休之讖旣而狎苗起興義延蔓數郡縣掘壙屠隴民受洪荼合楚師勦之乃定歲月悉符茲幸天奪醜魄虺毒未歛吾亦固吾圉耳藉使木札羣飛布巾爭舞銅之苗觀爨爨起而清江台拱之九股復響應之上覆飛鳥下不見伏兔勢必燎原誰其捧海當事有李化龍郭子章諸公庶可以釋冰弭變臥鼓安邊以紓九重宵旰之塵哉

驛站

黔之地跬步皆山上則層霄下則九淵其驛站之苦有萬倍於他省者如貴陽之東至湖廣玉屏以至清谿五十餘里中有橋頭坡三家橋坡清谿至鎮遠九十餘里中有蕉谿坡梅谿坡白羊坡鎮遠至偏橋五十餘里中有沿沙坡乾谿坡谷定坡施秉至清平九十餘里中有鬼門關坡黃猴坡小觀音坡大觀音坡落蹬坡中隔一

重安江清平至平越八十餘里中有臘梅坡三十三坎
坡楊老坡羊腸坡三郎坡葛橋坡平越至新添驛一百
餘里中有五聖關坡倒馬坡虎場營坡卯陽坡黃絲坡
獐獾坡打杵坡望城坡又如貴陽之西至雲南查城驛
以至安南驛一百餘里中有梅子坡黃土坡北極觀坡
盤江河盤江坡保甸坡哈馬坡安南至新興站九十餘
里中有馬跑泉坡鳥鳴坡腊茄坡江西坡泥納坡新興
至普安驛八十餘里中有望城坡羅漢坡爛橋坡鸚哥
坡軟橋坡舊普安坡鉉壇坡倒馬坡或石豎狼牙或峯
成劍鏢或立壁如削或抽筍如墮又或盤旋屈曲鳥道
羊腸又或嶽崿巖壑魚鳧蠶叢太行孟門匹茲匪險峭
關隴坻對此則夷見者駭魄聞之怵心然皆顯著奇坂
而佗峻嶺不計也今雖於重安楊老新安各設腰站以
紓下游馬力於毛口楊松列當各設腰站以紓上游馬
力又將上游舊設之盤江江西坡二驛裁去以關嶺查
城尾灑新安軟橋湘滿六驛改設於新路之坡貢郎岱
列當罐子窰楊松劉官屯又裁下游黃絲一驛移平越
驛於西陽塘而亦非坦塗馬之報勞傷墜死者殆無虛

日矣蓋每驛額馬僅五十匹夫僅一百名每馬日支稻穀僅五倉升草一束每夫日支米僅一倉升銀一分五釐是以馬不能飽秣則無以致遠人不能果腹則無以應役又况古人驛馬三十里一置驛多則行速而馬不斃人持節費之說歷次裁併多有七八十里而一驛者馬倒役逃又何怪乎

夫馬

玉屏爲入黔門戶東至湖廣沅州界十里西至思州鎮遠清谿驛雜界二十五里南至湖南沅州界三里北至

思州府界二十里東西廣三十五里南北袤三十三里
叢域畸零田疇孤離彈丸黑子不得與於芻莒之末而
差務星繁兼滇黔兩省郵站夫馬俱有司應付並無幫
貼攤派且民人賸貧畜牧甚尠一遇大差有馬之家選
選居奇每站索價至一兩餘且不能敷用又募傭於湖
廣之谿洞而差役路資馬僮口食咸於官乎取給是一
馬用銀至一兩四五錢也兼之戶口寥落散處山陬附
近城市夫役無多不得不招之遠方或離城七八十里
或百餘里皆奔命應募雖官爲給價亦僅依扛擡一日

之程其餘逞反守候則皆失時廢事不獲價值之日也
有司稍存人心差使卽稠不過苦自賠累而無良之徒
且借此以獵民旣腴其脂膏復疲其筋骨良可吁也

附輿天謠

山劍鏢石狼牙冬暉短郵路除兩髀腫向前爬口無食
身無衣豈樂此忘剝膚破茅屋藿也無菜面孃鳩形婦
三歲兒嗷嗷口一思之心擣白雪載塗風吼地嶺逾高
防顛墜寒皸疥那敢淚肩苦穿足苦頓大山坡窵巖巖
多虎跡思不免晚同歸得百錢買米煮濕薪煙腹未果

續黔書卷一

八

黔南叢書
貴陽交通書局代印

倦伏眠縣差來勢破壁夢模糊驚怯魄出符票拴至驛

治盜

黔之地縣峯林立虧日抉雲怪石堪當曝鼈寤虎散無
統紀如仇相避又山枯水澹剛柔數騎逐隊東馳環繞
不定生理窘蹙而衣食以禦人儻亦形勢使然雖有猛
吏銳意追捕迺至不勝犯不勝誅何也聚則揮弓注矢
探丸飛墜散則牧犢飲羊摩屨迎貓皆吾民也又或郊
關之外毒箐幽崖我不得而至焉囊篋腰纏委之而去
僅以身免歷險衝危踉蹌呼籲於有司弁役疾馳而至

則蹤景消滅是故始於剝商漸則官被劫激始於攫貨
近則人茹金刃何可忍言鹽鐵論曰水有獮狽池魚勞
國有豎圍齊民治如之何其聽之也遵義幅幘遼闊統
轄十三里每里十六甲烟火輻輳地勢險阻其民桀驁
詭譎染楊酋之餘習而里甲多巨猾值趁虛日輒聯外
來覲客標掠錢貨以爲常余代庖之日吏民初以余之
少也而易之然積聞其在玉屏聲觀望不敢動然予之
治盜以虛不以實每見同寮有獲盜者輒毀折支體飲
以鹽滿矐其目竊傷其酷而卒莫之能戢者賊以爲法

續黔書卷一

九

黔南叢書
貴陽文通書局代印

盡於是吏亦以爲法盡於是役亦以爲法盡於是且議
其忍也而不肯捕盜因是益熾余則不然受事日召集
里甲訊其素鳴義者斥之選立愿慤嚴諭之以杜絕飲
博謹守堡寨其容留匪類者舉無赦其有警而不協力
禽者舉無赦其有被盜而隱不報者舉無赦惟里甲倍
償而又於郵鎮關津通衢僻路布令以威刑懼之於是
乃不用捕而用儆非不用捕也蓋捕則疏儆則密捕則
眞盜或走慝而役以局外者當之巨盜或遠颺而役以
鼠竊者塞之儆則囊橐何氏鳩聚何所肆劫何地黨羽

何人起發何期過抵何許灼然在吾之心目而又虞僮
役之我給也復擇役之誠諳者覘之耳目既廣聲色不
聞彼宵小者以爲吾之疏之也乃稍稍露跡而僮之者
旋至迅發役捕之罔不獲其聚集多人者親率投捕之
罔不獲值趁墟之期微服巡察之伏壯士於側近有肆
敗者卽禽之罔不獲役有不用命及賄脫賊者痛懲之
責令倍償其失恭命則重賞之其渠賊吳賴頭賽曹操
把地王等以次就禽無良之徒乃恫賊懍恍疑余之日
出而網羅之四張也乃大沮散遁於桐梓正安綏陽等
處後遇桐梓令衛君天民問曰子其以鄰國爲壑乎余
曰子甘爲逋逃藪乎衛未有以應也

毒蟲

周禮土訓掌道地圖以詔地事道地慝以辯地物鄭康
成曰地慝若瘴蟲賈公彥曰瘴卽瘴氣蟲卽蠱毒人所
爲也是古昔隆時卽有假此以惑人者故設庶氏掌除
蠱毒以攻說禴之嘉草攻之禮注賊律曰敢蠱人及教
令者棄市先王鴻術經世設科防姦如此但其所謂嘉
草者今不可得而知矣宗懔曰周禮庶氏以嘉草除蠱

毒卽藜荷也神農經亦云白藜荷可治蠱王逸大招注曰苴蓐一名藜荷史記相如遊獵賦注闕駟云蓐且藜荷與叔師注同蓐且漢書作巴且文穎曰芭蕉也明邱瓊山集羣方鈔不知藜荷爲何物楊用修引急就章注云白藜荷卽今甘露蓋誤以芭蕉爲藜荷也司馬賦旣有諸蔗蓐且又有苴藜藜荷蓐且非藜荷章矣古今注藜荷似藜苴而白藜苴色紫花生根中花未散時可食久置則銷爛不爲實矣葉似薑宜陰翳地種之常依陰而生潘岳閒居賦所云藜荷依陰是也夫蠱之於人毒

續黔書卷一

十一

黔南叢書

貴陽交通書局代印

矣中之者嚼豆不腥含礬不苦則腸絞嘔吐救稍遲則僵而金蠶爲最昏夜飛飲水次光如曳慧鮑明遠詩所謂吹蠱痛行暉也案干寶按神記云蔣士先中蠱

一作蔣士

有儲客得疾云云

其家密以藜荷置席上忽大笑曰蠱我者某

也

一作食我蠱者乃張小二也

自是解蠱藥多用之故葛洪方云人

欲得蠱姓名者取藜荷葉著病人臥席下立呼蠱主名

也而草木狀云吉利草其莖如金釵股形類芍藥交廣

獠俗多畜蠱毒惟此草解之極驗吳黃武中江夏李僕

以罪徙合浦始入境遇毒其奴吉利者得是草僕服之

遂解吉利卽遁去俟因此濟人遂以爲名此草想卽藁
荷特因人名異稱耳夫九尾之狐谿邊之皮螯蝱之歸
魚帝臺之五色石游戲之三足鼈皆能已蠱然其物如
龍肝鳳髓渺不可得今則磨鉛汁飲之卽立愈無俟問
藝法於柳州矣

物類相感志黔南桂州出錫蛇粗如大
指甲有金銀星解蠱毒西溪叢話云煎

石槌根皮汁飲之卽吐出愈又
云以白礬牙茶搗末冷水飲之

假銀

銀有十七種美者有黃銀出蜀中其天生牙狀如亂絲
生銀狀如硬錫母砂銀色理赤光黑鉛銀得子母之氣

咸真銀也其假者有水銀銀草曾青石綠雄黃雌黃膽
礬靈草丹陽銅鐵白錫諸名皆以藥製成者黔市通用
銀名垂絲甚潮低而江西流民巧詐滋甚日造僞者非
惟給鄉愚且用以欺官長所謂爲盜不操矛戟者也有
得者以視余瑩白精好剪之則鉛實僅面皮爲銀然薄
如蟬翼真鬼工也以較慕容超之鐵胎奚翅過之案漢
孝景時律造僞黃金與私鑄錢者同棄市唐文宗太和
三年依中書門下奏以鉛錫錢交易者過十貫以上所
在集衆決殺今假銀之罪不下於僞黃金而重於以鉛

錫錢交易宜比前代之法置之重典庶可以革奸而返
樸也

詛盟

宋遵義軍圖經云民信巫鬼好詛盟嗟乎此不獨遵義
也黔之民類然做夏磨嶢靈談鬼笑耆老引經投石結
草偶然魚置便祀鮑君無意李栽競傳愈目其起於鷓
義矯虔之有苗而至今習跛擊乎或者曰小民有情而
不得申有冤而不見理於是不得不愬之於神而鬼神
之往來於人間者亦或著其靈爽視聽所接賞罰爲昭

續黔書卷一

十三

黔南叢書

貴陽文通書局代印

蚩蚩之氓其畏王鉞也常不如其畏鬼責而君子猶有
取焉者謂可以輔王政之窮也昔蘇公罹暴辛之讒則
出三物以詛爾斯屈平遭椒蘭之嫉則告五帝以折中
命咎繇而聽直何況於里巷之人乎余曰惠吉逆凶福
善馮淫經有明訓矣若近日所傳地獄之說感應之書
則佛氏因果之旨也聖王御世納民軌物克迪棗常彝
倫攸叙範其衰志敬之遠之莫不灼然於鬼神之故而
其鬼亦遂不神是卽所謂神道設教也而豈聽命之云

哉

茂學篇

余攝篆廣順州之日暇則進諸生校論文藝率皆條流
紛糅訓辭樸儻由其采掇陳言罔知晉學也乃仿古人
讚學勗學勸學厲學之文爲茂學篇以詔之

余聞之葛洪曰學者所以清激性理飾染質素也徐幹
曰學者心之白日也王符曰學進於振而廢於窮顏之
推曰不學者遇議論得失蒙然如坐雲霧劉晝曰人不
學則才智腐於心胸由數賢之言味之學烏可已哉今
夫蒸栗之溫也不琢之不耀夜墨陽之勁也不淬之不

續黔書卷一

十四

黔南叢書

貴陽文通書局代印

判犀故欲超萬里於瞬息必假遺風之槩欲凌溟漲以
泳游必泛艤鷁之艦是以蠶之不縑則素絲蝨矣目之
不茶則吳簞壞矣海蚌不剖則靈珠隱矣崑竹不斲則
元音闕矣故曰爲山者基於一簣之士以成千仞之階
遷非者起於三寸之坎以就萬重之深也而顧異詎無
志詰齷無情羈神於世務蠡午於微細不勤焯掌之勞
甘受盲心之誡未省牛毛之功頻召蟬雪之喻何異狄
山之視肉蹶泮之委蛇乎且所謂學者豈弟泥訓詰擗
章句埒女史之誦詩內豎之傳令已哉走蟻覆篋天胡

爲而倚杵斷鼃步亥地胡爲而息壤日月何以有朧胸
山川何以有肺目鬼神何以有形聲制氏之樂何以僅
記其鏗鏘叔孫之禮何以祇通於絲蒨非可概例諸六
合之外矣太昊稽象畧以畫卦燧人因鶚啄以鑽火有
能聞鳳鳴而調律侯剛觀鳥跡而作書邑夷法斗旋而
作輅芒氏效菴絲而造網是皆大聖人之學乎神明而
發乎物類也不此之循而喬宇鬼環之是急譏慄倂齷
之爲安以天理爲粉澤禮瀆爲橋樑仁義爲桎梏詩書
爲糟魄必且爭奇弔詭負刳回冗華誣賢衆分徒疑聖

續黔書卷一

十五

黔南叢書

貴陽文通書局代印

讐言墜乎典謨誕思飛乎邪室妙門系谷之譚畫瓶箴
諭之旨競扇風規徒事藻翰勞思慮而不知道費景晷
而無成功是瓊甌瑤釜無爨炊之用鏐弓鈹絃無支屈
之能故曰不聞九乳之音者不知絲竹之滔卽不服六
章之麗者不知毳臈之縣葦也夫文公多藝也而朝讀
百篇尼父履度也而鐵鏑三折翟烏周歷書載盈車句
踐憂勞晦誦竟旦董謁方外掌摹籀寫儀秦游說股畫
裳題兒寬帶經以耜耨路生截蒲以緝編黃霸下廷尉
以受業邠卿處複壁以劭功朱穆墜岸不知馬之幾足

文黨入叢先試斧之挂樹用能洞精道奧窮測數言且
太公望年七十而始學讀卓爲王佐曾子七十乃學名
聞天下荀况五十游學蔚爲老師公孫宏四十餘方讀
春秋朱雲四十始學易論語皇甫謐二十始授孝經論
語終成魁儒魏舒四十自課對策升第爲世所仰或乃
不希炳燭之明甘蹈夜行不冀桑榆之效悵望東隅則
愚不愈而智不瞻世將厥歛之矣是以六藝備則卑鄙
化爲君子衆譽集則孤陋邈於貴游故曰親姑櫛之枝
足以知其本之修巨也覽汪洋之波足以覺其源之淵
遂也雞之知將旦也鶴之知夜半也運日作日之知者非

續黔書卷一

十六

黔南叢書

貴陽文通書局代印

晏也猥狗之知雨也離巢知風之所起獺穴知水之高
下騰蛇無翼而翔空蝓羌無鼻而聞香蠶蠶無口而揚
聲水母無頭目而率魚鰕帝江無面目而識音樂皆物
之知也物知之而人不知則蠶珥絲而商弦絕賁星墜
而渤海決銅山崩而洛鐘應嶢山墮而薄落竭麒麟鬪
而日月蝕鯨魚死而彗星出問之有罕漫者矣其何能
詳威斗而釋藻兼注紫橐而倉楮酒哉昔敬仲矚兪兒
新公知滄狎曼倩喻畢方廣川識重常中壘通貳負劉

杳審仲師元遜曉儀囊壯武嘆海鳥方古洞章武之劍
陸澄明服匿之器崔礦析羊腸之坂敬宗核顛頊之虛
趙逸證太康之寺子野考滑題之邦張善測金鳥之飛
僧儒悉石針之用江淹推科斗於周宣斯徵解鐔于於
干寶柬之引影娥於洞冥貽孫實婦跪於渤海鄭欽悟
山銘於州里寶儀對乾德於四年董養歎蒼鵝于狄泉
隱侯定罨孟于東夷以及辨鯪鯉之獸形聆角觸之人
語數白馬之祠祭驗黃蛇之阿廢鑿蕭伏之尺寸診玉
神之隱見讀龍門之鳥篆解苗茨之豐碑何異之有學

續黔書卷一

十七

黔南叢書

貴陽文通書局代印

而已矣卽桂露飲能言之龜女乳灌疏屬之尸老桑潰
元緒之筋古木烹賈誼之味菖蒲塞風生之鼻鐘鼓致
商羊之鳴苦酒漬白魚之醉肝樵節虻蟲之毒燒石投
獾獬之舌烏梅煑橫公之鱗事無前聞情疑浮誕然精
驗潛効有同響奮亦由沈研鳥册鑽習龍經故能潛情
源於秀逸發思業之高奇也人無論智愚儻搏心捐志
磨礪就業則精神曉冷鈍聞條達猥俗不足以摸蘇浮
名不足以營慧成能洞知能之囊橐極文雅之英雄矣
夫雷震之聲可寫以鐘鼓風雲之變可通以律管而謂

聖心賢胤著在往錄抱風合効詎難黨朗乎故曰咎繇雖暗而與辯者同功子野雖瞽而與離朱齊明也可不學哉可不學哉

修文昌宮記

今上卽位之四年九塗榮鏡六幕同文猶復崇儒重道加意菁莪爰允儒臣之請於畿甸首善之區建宮以祀文昌仍沛綸音飭十三省大吏董率所屬於府州縣各建宮虔祀並頒祝告之詞用妥神靈凡以誕敷文德樂育子衿潛化頑悍躋治淳熙之至意也歲壬戌余履玉

續黔書卷一

十八

黔南叢書

貴陽文通書局代印

屏任視事後簿書稍暇巡覽郊坰見屏山東有文昌閣敗瓦飄零殘椽傾圯將委諸蔓草荒煙慨然興歎思有以新之以培風脈而地衝差繁供張竭斃力弗能敷適邑紳士咸欲捐資重建且謀卜地城內以便歲時用享原任綏陽鄭廣文洪孝廉並文學諸君造余以碑記請且謂余之不鄙夷其地而樂與敷衽講藝也爨序子弟莫不爭先淬礪思執矜道德之囿案辯文雅之場倘更得昌言以啓其牖不獨親炙之不安咫聞漸有以規於遠大卽後來者聞風興起順就甄陶不至循規改錯亦

所以成埏埴之志也余曰然乃進諸君而諭之曰凡人
之學學爲忠孝而已忠孝根於性生而亦本於經術黔
雖介在荒服文采風流遠遜函夏然漢時盛覽字長通
牂牁名士與司馬相如爲友作合組歌列錦賦知賦家
之心毋斂尹珍字道真自以生於遐裔未踐庠序乃從
汝南許慎受五經師應奉學圖緯通三才還鄉教授南
域由是知學孝桓時尹氏以經術選用歷尙書丞郎荆
州刺史而應奉爲司隸校尉師生並顯平夷傅寶夜郎
尹貢亦有明德歷尙書郎長安令巴郡太守彭城相號
南州人士明代如馬氏心菴陳氏五粟研鑽理窟克紹
關洛之傳而清平孫文恭思南李少參篤學超詣鴻文
經世爲時所宗夫以獐豕之中卓然崛起功業文章流
芳汗簡而敷言懿旨復有以啓後人之靈府豈非聖賢
非異人任而學之可幾哉至於精禋邀福謂可以登桂
籍而膺仕版非余之所期望也衆曰然工竣遂詮此言
以記之

武威張 澍 澍 澍 澍

三閩大夫

玉屏北門外水月菴有祠祀楚屈大夫士人傳說國初
兵燹時見形水裔賊爲辟易故祀之案涉江篇有曰乘
艸船余上沅兮齊吳榜以擊汰又曰朝發枉渚兮宿
辰陽玉屏古爲沅辰地諒當日者儻側淑浦淹水容與
采芷沅江卽大夫所謂僻遠何傷也予於壬戌夏雨霽
來游刪芟砌草進謁遺像乃爲文以弔之其詞曰痛九

續黔書卷二

一

黔南叢書
貴陽交通書局代印

天之夢夢兮聽皇輿之敗績蓀又不訾夫忠塞兮放江
潭而疏邊羌不能偈矩逐時兮衆女謠詠以貢色鯀殛
死于羽山兮雖女嬃猶忌其婞直幼清安肯涅淄兮豈
靈氛筮箒之能占時幽昧而捷徑兮董吾道其何嫌漁
父既莫我知兮又誰能與黨人爲緣瀕于危而不顧兮
終湛淪乎汨羅之淵鸞皇折厥翼翮兮讓鵝駕之追隨
躡躡蹕於艱阻兮驢羸騰驤以驕馳神龍困于泥淖兮
亡慶雲之被覆枳棘榛榛而梗塞兮不得牽若衡而餐
秋菊嚴霜忽賈季夏兮芳苓喪華而彫夭扶桑鬱其危

律兮誰總轡以消搖睇高些而無女兮求慮妃之所在
陽侯乘以素波兮彭咸媵以飛鯀竟不能遠游延齡兮
豕傳說而騎箕尾嗟正則竟溘亡兮留溢艷之嘉藻何
儒梟虧我高明兮謂揚才以競羣小詎識風諫之優游
兮引靈修於當道睠顧舊鄉以歔歔兮不忍三尸之煙
空並世既遘夫椒蘭兮今又何訾乎過忠繫余企仰練
要兮覽遺則焉隕涕欲唱小海之曲兮久夷舞于波際
寤堯舜之超軼兮以耿介爲天姿何末俗競昌披兮反
離騷而摛詞斥鷃罔測雲鵬兮鳩搶榆而笑之我薦椒
糝兮哀日月志佩芳棄穢兮導吾先路中道不改此度
兮冠切雲之岌岌行砥矢而言丹青兮嚴界絕夫非義
儻世蔽美而好朋兮吾將高駝而遐寄

附謁三閭大夫祠詩

幼愛離騷豔深悲正則忠芳情荃不寤蟬翼筴何從壯
志彭咸託讒言鄭襲工翻來女嬃詈誰輔大王雄畫壁
天驚雨幽篁鬼嘯風懷沙遂捐節屬草竟無功故國東
門夢長江糴米筒失圖在黃棘

黃棘地名懷王與昭王盟約於黃棘悲回風篇

所謂施黃棘之枉策是也朱子解爲黃塵棘刺誤矣

遺恨滿青楓沅芷遠遊地雲

冠奇服空魂兮郢都戀歸些巫陽逢三尸蕪城沒千年
典祀豐肅瞻蕉萃像白日鑽琳宮

附水月菴詩

香阜何年拓空門面大江濤聲撼佛坐花雨落禪窗
磬碣苔文繡璇題雁字雙芻尼翔鶴樹甘露綴雞腔梵唄
林中磬潮音水外缸青霞鬱寶塔碧穗漾金缸坐久烹
團鳳心清聞吠龙天風吹我幘延佇望蘭艘

井外卽平江橋帆往

來不絕

竹王

續黔書卷二

三

黔南叢書
貴陽文通書局代印

夜郎竹王事班氏南夷傳詳言之今楊老黃絲驛皆有
竹二郎竹三郎祠土人禱祀維謹田山蓋著論以爲與
盤瓠蠶叢杜魄荆尸悉爲謬悠蒙竊以爲不然夫祕電
繞斗於符寶長虹曳采干華胥柬邊吞玉筐之燕姜嫄
履巨人之跡載在遑籍難云誣矣卽徐偃破卵於鵠倉
括地志鵠倉一名后倉朱蒙感精於河伯蘿林之子紹統檀君朱
耶之先載育枯樹著有前聞皆可證驗至若齊頃無野
之誕狸乳羊嫗橐離東明之生豕嗅馬嘯烏孫王昆莫
之擲飛鳥銜肉以哺之世羅優比邱之降鶴胎跽墜以

出之凡此瑰異豈鄉壁虛造哉或曰子之說信辯矣水
經注云所捐破竹於樊成林又云王嘗從人止大石上
命作羹從者白無水王以劍擊石石卽出水無乃奇誕
弗實乎予曰六合之內其苞遠也幽致冲妙難本以情
萬像遐淵思絕根尋咎夸父棄策蔚爲鄧林蚩尤委械
叢爲楓樹翠子之經可案已彼貳師征敵嶺出飛泉姜
詩養親室涌江水精誠所結天恒靈驅又况范文之鯉
刀斫鄆廩君之士舟浮流沙壺後漢書作沙壺之龍語元隆句
麗之鼃橋獲濟悉是舊聞難比影說知乎此則啓生鼎

續黔書卷二

四

黔南叢書

貴陽文通書局代印

石攀呱空桑事同日習言非空誣又何疑於竹王之不

自竹生哉

路史注竹姓出於臺台東築竹氏後漢樞機
侯竹晏後報怨不改姓加二以存夷齊而遷

於莒侍中竺曾其孫也夜
郎竹初宜本此其說無據

莊豪

史記云楚威王遣將莊蹻從沅水伐夜郎滅之遂至滇
池後漢書作楚頃王遣將莊豪二說遠異案楚威王于

周顯三十年立至四十年薨在位十年至赧王三十五

年秦始皇取楚巫黔中地中歷顯王之八年慎覲王之五

年相距四十八年也如爲威王時事則蹻在滇已五十

餘年矣何以稽久不歸攷頃襄王之立也在赧王十六年距秦取地十九年躑之奉使至滇值楚道不通當在此時矣商子弱民篇荀子議兵篇韓詩外傳史記禮書並有莊躑起而楚分之語皆不言在何時韓非喻老篇載楚莊王欲伐越杜子說曰莊躑爲盜於境內以爲在莊王時呂氏春秋介立篇莊躑暴郢高誘注以爲楚成王時則又在苒皆非也史記作莊躑苒漢書仍之遂漢書作莊豪學陽國志作躑云楚莊王苗裔通鑿莊豹注莊姓宋戴莊之族有出於楚者莊躑是也亦作豪蓋豪卽躑古音相通字亦相借雲南志謂豪爲躑之裔者無據之說也

馬王

玉屏邑西北有營砦數處相傳爲馬王遺跡馬王俗謂馬援也案五代史楚馬殷梁太祖時拜侍中兼中書令封楚王後平朗州雷彥恭澧州向環辰州宋鄴敘州昌師益等率谿洞諸蠻皆附於殷殷請升朗州爲永順軍依唐太宗故事開天冊府置官屬太祖拜殷天冊上將軍末帝時加殷武安武昌靜江甯遠軍節度使洪鄂四

四面行營都統唐明宗時封殷楚國王殷卒子希範立

襲殷官爵封楚王谿州刺史彭士猷

案谿州銅柱記作彭士猷五代史作

欽非率錦仁

今銅獎今鎮

諸蠻攻澧州希範遣劉勅劉全明

案銅柱記無劉全明

等擊之士猷大敗走獎州遣其子師曷

案銅柱記

作師

率諸蠻酋降於勅谿州西接牂牁兩林南通桂林

象郡希範乃立銅柱爲表命學士李皋銘之

案李宏舉見谿州銅

柱記五代史作李皋非

蓋屏邑在五代時爲谿洞諸蠻盤踞必楚

國所置官屬或馬氏子弟奉王命令号召糾聚於此安

營立砦則所謂馬王乃馬殷希範希廣父子兄弟也伏

續黔書卷二

六

黔南叢書

貴陽文通書局代印

波於漢豈稱王哉若銅柱記文稱我烈祖昭靈王漢建武十八年平徵側於龍編樹銅柱於象浦蓋希範自言爲伏波將軍之後尊援爲昭靈王耳谿洞之民安知以王稱之

黑神

神爲唐將南霽雲范陽籍也黔人以其長冠戟須而貌黝稱之曰黑神其香火無處無之幾弁關壯穆等而其威靈響捷也亦幾弁壯穆埒吾想夫尹子奇之復圍睢陽也爲至德二年城中食盡至掘鼠羅雀延喘堅守陣

雲苦深衝梯爭舞公奉張巡之命犯圍突出告急臨淮
賀蘭進明昧捍圍之義腐敵愾之心坐擁彊兵無援掇
意猶復愛公魁岸具饌延留公憤激慷慨痛生靈之命
就枯念主將之精已盡乃嚴責進明以忠臣義士之爲
嚙指淋血射矢浮圖誓掃烽煙還滅賊子志雖未就不
可謂不壯矣死而爲神豈虛也哉顧黔人之祀之者或
以其子承嗣爲清江太守有惠政也而尸祝之又或以
其子曾立席顏也因相沿而俎豆之然當壬戌苗變貴
陽受圍城陷祗炊黍時耳而旌旗甲馬忽見睥睨蛾賊
辟易城獲以全矧夫霑澆愆陽火災癘疫有所必應黔
之人荷賜良多其漚鬱臍蠻犇走而恐後也固宜

增播州道中謁南將軍廟詩

陰風慘澹歛荒郊訓狐鴟鵂警警烏鴉亂飛烏柏樹
雲中甲馬翻靈旂老巫開門欸客入中壘威神絳袍襲
黝面長牙倒豎睂猙獰怖人鼻欲歛短碑斜臥霾煙草
落蘚紛堆待洗掃獸頭鼠窟已歿殘漫漶但書唐天寶
居民求雨復求晴高香一炷插前楹神果有靈風雨節
種禾種黍多歡聲合寨斫牛龕神意紙錢清酒鴨白翅

碎訇銅鼓震遠村
熒女蠻童走如織
我亦整衿趨稽首
敬祝前途無煞咎
仿佛似翬神有言
林林暗護放心走
北陰神

永樂十二年五谿蠻句合黑苗復畔
阻塞黔楚要路
斬州衛指揮洪壽隨軍門王鎮大軍
五萬分途征勦
壽領兵二千五百爲先鋒
由小洪江進抵苗羅
苗忽蠢至時大軍未集
壽戰陷重圍
身被七創連衝五次不能出日將跌苗急驚駭奔潰
自相踐踏死者甚衆
壽謂有援兵至及卽际見空中人馬迷漫現五色旗上有北陰二字

續黔書卷二

八

黔南叢書
貴陽文通書局代印

闕聞追逐之聲
圍遂解後大軍會於沅江
夾擊壽由五開天柱追至清水
河生禽蠻長姚老虎阿泰等百餘人
軍門上其功奉召
陛見奏聞神膺封裔而壽授平谿衛
指揮及歸設祭於家
忽有巫者踵門告曰奉北陰神命
致語汝家吾本近敦煌一國爲金人所滅
上帝憫念無辜封爲北陰神
苒念爾忠勇危難之中故爾相救
巫者且傳其祭享儀制科文陳設及牲牢
俱用燔炙大類古時塞外諸國風俗
余至玉屏問諸人咸言洪姓至今虔祀勿懈云

柴沖大王

深山大壑多有神怪能致雲雨雖非祭典所載苟有益於民卽爲之薦腥俎猶愈於陳葆之祠雜縣之祀故靈感喉泉虔賽古欖災回颺所敬祝木瓜著在苻聞協于羣望者也余至玉屏之五月田苦旱聞城東五里有洞洞有神号柴沖大王禱雨輒驗卽乾封年亦必少資潤溉邑人士言邇者神爲天柱縣請去祈毋不雨余曰旱旣太甚苗將就枯余當譟之以蘇吾民也乃宿齋一日豕酒楮帛之屬必具必潔晨步出東門行二里許路無

續黔書卷二

九

黔南叢書

貴陽文通書局代印

蹊逕延緣於厓畔再進則青壁萬尋丹崖百丈趾踔踈屨腹摩石角逼仄險奇不可以足余手擎瓣香趨行而上孫甘兩學博王縣尉尙後予五百弓許不能屈屐也至是刑牲脣血奉爵醑盼霧來兮恆翰跪敷衽以隤詞不知神之果鑒否也仍步至署遂違丙谿勘地歸塗次野雞坪忽山雲樓起苑風樹鳴急鋟馬返豐隆大出以將其雨穢禱電影昇河俱傾泊入闔見闔閭之民息者以嘉病者以愈也越三日乃止優渥霑足歲以有秋非余薄德之所能致信乎神之有靈普淖黔首用能吐

陰壘澤不使無鳩也

附憂旱詩

赤日隆隆煎下土，遼田龜拆壘尺五。嗟我黍禾歠焦炷，
農夫坐視淚如縷。肥遺矯夭旱毋舞，未見望舒離金虎。
捉來蜥蜴甕底苦，咒他雲興濃霧吐。小兒持枝羣擊鼓，
顧將肥豕祀田祖。涿涿數點甘露乳，驕陽猶自披雲覩。
嗟我農人饑無補，何暇綢繆破牖戶。安得力牧千鈞弩，
射殺應龍飛霧雨。

增禁雞坪遇雨詩

續黔書卷二

十

黔南叢書

貴陽文通書局代印

攬轡高岡上，郊適夕色迷。埃風吹轉蓋，凍雨振沈泥。遠

樹冥飛鳳

山名

孤篷下野雞

河名

歸來父老迂，馬首雲漢

淒

李白至夜郎辯

夜郎溘屬牂柯郡，牂柯本且蘭國。在今遼義府，唐屬珍
州。在今歌羅寨。李白曾貶竅於此。今桐梓驛西二十里。
有夜郎城道，臥古碑字已漫滅。縣治內白故宅舊井跡
存焉。余攝篆遼義之日，暇遊桃源洞，洞菴鼠屨屹然。鐫
曰：李白聽鶯處。蓋清流，流蟻酒，醅初綠，暖入鶯簧舌。漸調

乃流謫時所詠也近人謂白流夜郎實未至其地據贈
江夏韋太守良宰詩云五色雲間誰飛鳴天上來傳聞
赦書至卻放夜郎回又據詩云咎去三湘遠今來萬里
餘謂白泝三湘將上夜郎卽聞赦命而還其說疏甚夫
白之在夜郎也蓋久而後奉金雞矣其秋浦桃花噫舊
遊詩所云三載夜郎還於茲鍊金骨也又烏江留別宗
十六瓊詩曰拙妻莫邪劍反比二龍隨蓋白攜妻子就
貶所而宗璟從至夜郎仍旋鄉里白送之於烏江也烏
江在今遵義府南八十里源出黔西經縣之湘洪仁三

續黔書卷二

十一

黔南叢書

貴陽文通書局代印

江由南思北流入蜀之涪江弁詩所謂白帝晚猿斷黃
牛過客遲者亦符又不止題葵葉贈辛叛官聞醜不弁
武陵木瓜山諸詩之可徵也今不觀苒賢全集輒撫一
二語爲譚資且矜其創獲是猶詫維摩之取孟堅而遺
班固也

附李白聽鶯處碑詩

采石騎鯨竟不還聽鶯遺跡尙人間鄉書未剖豫章鯉
明月空瞻飯顙山靈誰終期翽棘樹鈞天那復睹雲鬢
我來未值春風暝倚酒聊歌菩薩蠻

懷白亭

遵義城外里許有桃源洞洞有懷白亭明大學士王應熊之所建也其曰懷者不知昇吾意之所懷異亦不知其與吾意之所懷同但以千百世之下尙有人焉慨慕而懷之則白之自有可懷者在也余嘗讀贈江夏章太守良宰之詩矣憤九土之橫潰念二聖之遊豫蒿蒼生之無舉斥公卿如犬羊非徒作豪語以自快蓋其窮理亂情涉霸王略故有此箠落旄頭弧墮天狼之壯志迨至爲負霜草蒼昊莫訴乃思栖蓬瀛學丹砂雖有冥鴻高飛不爲弋人所篡之意而慶幸於日之再中辰之居正是仍抱大國之懸灑沾纓之淚也而人之懷之者輒以其詩思之不羣抑末矣余是以爲之論曰

昔青蓮以龍蟠鳳逸之才眼識汾陽氣吞力士其襟期可蓋世矣泊乘醉應詔倉卒對御以至尊寵倪彼飛燕居然納牖瞰誨之義不獨詩詞可被管絃已也使玄宗識其俊杰寘乃天庭用能嘉謨入告正色立斲必不肯倚楊氏之山灸林甫之手以孤主知且可令徽燼之徒惴心忘志卽不歿試於豈場授之戎麾其時薊門烽火

擊鼓震天白也夙習劍術訓練士卒亦足以捍圍敵愾
摧漁陽之鋒何至大河以北無堅城二十四郡無義士
而洛流鳴咽河潼染腥天下事等諸車犇航沈乎卽使
霓裳舞破玉壘難回而身膏塗草亦當昇杲卿之舌睢
陽之血同其激烈共享榮名乃卒蹇偃不振飛黃伏阜
空名自悞綴身蠻荒其才未竟其志未申徒令後之人
以騷人墨客相稱許悲夫

附九日懷白亭登高詩

濛濛秋滿禁岸幘此登高鬢插陶潛菊詩題禹錫儻江

續黔書卷二

十三

黔南叢書

貴陽文通書局代印

山供斗酒風雨落吟毫俯瞰嚴城郭人家十萬囂

王昌齡墓

貴州通志云黎平府開泰縣龍標山有王昌齡墓齡被
謫死葬此案新唐書昌齡貶龍標尉後世亂還鄉里爲
刺史閻邱曉所殺是此閒之家顯係坵會也

又思南有李渭墓在

萬聖山麓楚人耿定力爲作誌銘納竊中康熙二年七月十三夜墓誌碑忽自河北移至涇祠前子孫長起見

之語然所而期封如故

謁王陽明先生祠記

澗嘗誦先生何陋軒記之言矣曰愛憎面齒變亂白黜

浚奸窮黠外良而中螫諸夏蓋不免焉雖彬郁其容宋甫魯掖折旋矩矱猶之陋也夸之人迺不能此其好言惡詈直情率遂則有矣世徒以文詞物采之渺而陋之殊不歎也嗟夫先生之論不獨洞物情直示人以樸令各返其渾穆之天而狡慝譎詐之不作庶典章禮樂宮室軒裳可增之以行不歎是無軌輓之車也又以夸之崇巫事鬼瀆禮任情不中不節期望於來者之移風易俗是直以天下無不可化之人以夸之昭質未虧因其機而利導之則爲功易而爲效亦速何今數百年閒醜風潛煽醇源浸竭變戛若此其甚豈降衷之不恆乎夫固有以教之也誠使爲司牧者倣古歆射讀法而教之以父子兄弟夫婦朋友之經以戢其椎魯鷙悍睚眦之習俾各安於刀耕火耨無飢渴死傷之嗟因示之以典章禮樂宮室軒裳之樂漸改其椎蠹卉服跣音獸息之敝夸雖蚩蚩吾知其從之也如冬日之陽夏日之陰不召而赴也乃有司者罔知幅利競爲貪黷且以夸之蚩蚩也而誅求之過甚夸之人以爲是不足父母我也規避之心浸假而爲侮慢侮慢之心浸假而爲狡詐並其

本狹樸塞之陋而亦失之是士大夫無廉恥而望天下
有風俗不可得已今者顧瞻廣額道範斯在念先生尙
不敢任化理之責余小子痛俗之不競教化闕如用是
奮用是思矣

十八先生墓

當明之季永明王由榔自廣西走貴州孫可望處之安

籠所

新改興
義府

無人臣禮從臣弁內侍等咸憤甚飲汰計

弁李定國共圖可望謀泄可望遣將鄭國拷訊十八人
同聲不屈死時人哀之收遺骸葬焉表之曰十八先生

續黔書卷二

十五

黔南叢書
貴陽文通書局代印

墓今興義府城南纍纍者是也碑載從臣則吳貞毓張

鐫周允吉楊忠徐極蔣乾昌李元開李順朱議彙鄭允

元趙賡禹蔡績易士佳胡士瑞朱東旦任斗墟也內侍

則張福祿全爲國也

案明史有給事中林青陽御史林鍾無
李順楊忠二人又案欽定勝齋殉節諸

臣錄張鐫寧國人刑科給事中鄭允元欽縣人

中軍都督府左都督林一鍾湖廣人西一作大理寺丞

趙賡禹袁州人太僕寺少卿蔣乾昌晉江人翰林院

檢討李元開善化人徐極一作史科給事中周允吉錢

塘人江西道御史朱議彙南昌人廣西道御史胡士

瑞一作進賢人福建道御史朱東旦四川人兵部郎中

一作蔡績一
主事一作內
事一作書

九江人

工部郎中

一作易士佳
廬陵人

寧人兵科給事中

其十五人

無吳貞毓張福祿全

論曰國運值陽九之會爲臣者賈首糜軀無有攜貳詎不稱義烈哉又或潛孤借亡撥亂圖存吹灰於已寒張律於既絕使洛陽銅駝不渝荆棘步廣飛鳥弗踐泥沙亦可謂壯懷苦志矣吾觀周王奔莒之難獲衛于召公而姬籛復昌漢宣巫蠱之既蒙養於丙吉而卯金再振獨憎當日諸臣之未弢暉也歟天旣厭德人斯云亡諸臣者胼胝戈甲寐寤久霜犯疾風而表勁契寒松而大節雖杜鵑嘯盡難延魚鳧之封精衛銜殘無補窮桑之壑而邛山同穴先軫莫返其元燐火紛蜚萋宏徒凝其

續黔書卷二

十六

黔南叢書
貴陽文通書局代印

血魂偕碧葬冤籲蒼旻數百季之間豺虎已化攢墳刺天傷心人望古遙集能不爲之銷神壤末追魄天溥乎

盤瓠

狄狎狎狗獐獠等種皆祀盤瓠相傳卽盤瓠後余謂此本依坳之誕說而人信之篤則亦未攷其原也伯益山海經云卞明史記正義引作并明漢書注引作弄明生白犬是爲蠻人之

祖卞明黃帝之曾孫也而應劭范蔚宗遂謂高辛氏之

犬名曰盤瓠妻帝之女生六男六女

搜神記謂賜美女五人三男六女

非妻帝之女也

自相夫婦是爲南蠻抑妄矣夫公子蠆蝨詎誦

阿房大夫蚺鼃何畏蠃氏白犬之稱殆猶豹奴虎狔矜
其雄俊狗兒犬子志其愛憐云爾豈真是縉非素護跖
憎堯哉世固有指名相反稱謂不倫搏虎馮婦不是明
雌亭侯王嗣越妻非同先雄孝女儻謂号是縣蹠必舛
叩氣則景升兒子早隨巨公臺中鄧何曾赴上蔡矣夷
考肇錫證諸羣經狼貪傲狼被以饗饗櫛之稱則狗
苟蹲踞比之韓盧宋雝之族未爲不可誰或非之今者
馬養鵝之閒逞逞席類其像叩槽而祭是猶掀伍子胥
之髀而續西門豹之尾也亦大可莞已

案魏略武都氏
其種非一皆稱

續黔書卷二

十七

黔南遊書

貴陽文通書局代印

盤瓠之後搜神記今吐蕃乃盤瓠後又案黔中五谿
長沙開爲盤瓠後其在峽中巴梁間者爲廩君後

紫姑

劉敬叔異苑云紫姑本人家妾爲大婦所逐正月十五
日感激而死故世人作其形於廁以迎之祝云子胥不
在曹夫人已行小姑可出子胥聲也曹夫人姑也又宗
懔荆楚歲時記云望日之夕迎紫姑以卜將來蠶桑並
占眾事今黔之各郡不聞有此俗獨玉屏於元宵小兒
女用帕巾蒙笄簪以花朵兩手托之間眾事蓋猶是

楚之遺風也

案白澤圖云瀾之精名卑狀如美女
而五行書又云廁神名後帝搜神記

云陶侃
見之

續黔書卷二

十八

黔南叢書
貴陽文通書局代印

武威張 澍馮穀

黔中

黔中之置郡也當秦昭王之二十七年為周赧王之三

十五年取楚之巫黔中地而置也

所理在今辰州西二十里黔中故郡城是

漢高帝四年改黔中地為武陵郡

移理武陵即今辰州叙浦縣是始

元二年分天下為十三部武陵郡屬荊州部後漢時武

陵郡屬蜀昭烈沒後屬吳晉平吳州郡雖屢有更易而

武陵常屬荊州劉宋時武陵領於郢州刺史隨開皇初

續黔書卷三

一

黔南叢書

貴陽文通書局代印

廢武陵為朗州大業初復置唐武德四年置黔中

唐黔州本

漢涪陵縣理晉永嘉後地沒蠻夷經二百五十六年

至周保定四年涪陵蠻帥田恩鶴以地內附因置奉

州建德三年改為黔州太宗三年又改為黔安郡因

周隋州郡之名遂與秦漢黔中地犬牙難辨矣見元

和貞觀元年復以黔州之都上縣開南巨置巨州九年

以隨牂柯郡之牂柯縣置播州十一年罷黔州都督府

置莊州都督府先天元年廢播州都督府復置於黔州

開元二十一年分天下為十五道設黔中道置黔中探
訪使治黔州大曆五年改巫州曰叙州改業州曰獎州
元和二年廢珍州入溱州思巨費播溱錦叙獎八州皆

隸黔中採訪使宋初因之止存彭水黔江二縣省洪杜
洋水信寧都濡入於彭水是則秦之黔中卽漢之武陵
兼今湖南常德辰州沅州寶靖諸府並包今貴州思州
石阡銅仁黎平思南諸府也唐之黔中亦兼今黎平鎮
遠遵義思南銅仁之地也若宋之黔中並及四川重慶
彭水諸縣也胡涓生以黔中寧夷涪川播川夜郎義泉
溱谿七郡皆梁南徼外蠻夷非古黔中地而以杜佑說
爲誤不考之過也

增黔中曲十三首

續黔書卷三

二

黔南叢書

貴陽文通書局代印

南來步戰楚莊豪水下牂柯起怒濤一自滇池有王屋
夜郎印綬委蓬蒿

衣皮散髮是烏蠻鬼主家家禱祀還四譯難通七部落
阿羊卜漏昇夔山

嬋媚者子好樓居鬢髮如雲鬚翠裾十二珠璫墜耳後
竹筒何似礙鞦韆苗婦高髻常橫比余

絀布褰衫踈地壘盈盈卅女賦梅遲門葍老吠如寒豹

莫是蕭郎叩竹籬苗俗處女私奔不禁

合賽聲喧說砍牛阿爹抱得負薪憂文康集有良方在

鐫石曾畱筍竹鄧

有疾不服藥
惟殺牛禱鬼

老雅關上老雅嘸
溼勒林端日已西
問道行人晨飢未

苒坡犖确路高低

關在安南縣南里許入滇
舊路兩崖之閒最為險要

桅子坪邊足春光
雜花生樹鬪鶯簧
短袞窄裊龍家女

踏月吹蘆空斷腸

龍家有四
一曰狗耳

斗大山城景物熙
雨風風雨竹王祠
迎神一曲鳴銅鼓

窖酒滿斟倒接籬

竹王祠在
潯平楊老

雞翁山上碧雲圍
釋燕河邊白鷺飛
莫道羅施風土惡

芋毛稻尾鱖魚肥

續黔書卷三

三

黔南叢書

貴陽文通書局代印

椎埋不復趁斜曛
白晝摸金各飽分
寄語彊弓休貫矢

苒途拾得聖婆袞

狃苗多伐人家
慕慕袞揭以爲幟
苒苗戰輒敗去

山雲如墨水如湯
竹竿橫空鳥路長
閒向焦谿看浣布

蠻娥兩足白于霜

陽洞羅漢
苗不纏足

誰家花樹最葳蕤
鎚火元宵處處嬉
幾隊笙歌小男女

靚妝不是鬧娥兒

小種花苗
春月立木竿于野
名花樹男女環跳
吹笙晚各就私焉

淫霖團團少晴天
吠雪蒼黃事偶然
見說紅花浮瘴氣

滿斟卯酒疾能蠲

虞策避瘴詩曰
莫飲卯時酒
今黔人以早飲
火酒爲能消瘴云

夜郎

南巨君長以十數獨夜郎爲大楚頃襄王遣將莊豪伐之軍至且蘭椽船於岸步戰滅之豪遂留王滇旋夜郎仍自立爲侯漢武建元六年遣唐蒙通夜郎元鼎六年平且蘭遂平南巨侯迎降錫以王廩後仍殺之置牂牁郡後置益州以牂牁屬焉荀悅云夜郎犍爲屬國也其地在湖南東接交阯漢爲縣屬牂牁正義云今瀘州南大江南崖協州曲州本夜郎國晉永嘉二年分牂牁立夜郎郡領夜郎四縣宋齊隨因之唐武德四年析巨州之寧巨縣置夜郎縣貞觀八年析巫州之龍標縣置夜郎十六年開山洞置珍州亦置夜郎天授二年又析夜郎置涇谿縣長安四年以龍標所析之夜郎涇谿二縣置舞州是今石阡思南爲巨州之夜郎也今黎平鎮遠爲龍標之夜郎也今桐梓正安爲珍州之夜郎也若秦漢時之夜郎則西距邛笮東接交阯地凡數千里今人徒知遵義之爲夜郎亦不知夜郎之大矣

坳阜茨坪詩

將軍旗鼓此屯營棘洞風煙蕩掃清我抱蒼茫懷古恨

揮鞭一問夜郎城

康熙十九年定遠平寇大將軍貝子章泰統征南將軍穆占綏遠將軍蔡

毓榮建義將軍杜興珠等自湖廣克辰龍圖屯營此地取貴州云

龍標

黎平秦爲黔中郡地漢爲武陵郡地至梁於瀼巫縣置龍標縣隨屬沅陵郡唐武德七年置龍標縣貞觀八年置巫州析龍標置夜郎朗谿思微三縣天授二年改巫州曰沅州析夜郎置渭谿縣長安四年分沅州之夜郎渭谿置舞州舞州卽今鎮遠是沅州卽巫州巫州卽龍標縣在沅州之上鎮遠之下境壤相錯卽龍標縣地也又案開元十三年復改沅州爲巫州大厯五年改巫州

續黔書卷三

五

黔南叢書

貴陽文通書局代印

爲叙州叙州卽今黎平亦卽龍標縣地也玉屏舊屬沅州其爲龍標縣地無疑

案王昌齡貶所爲今黎平之龍標非沅州之龍標也

廢牂牁郡

漢元鼎六年平且蘭遂平南已置牂牁郡後置益州以牂牁屬焉始元二年分天下爲十三郡武陵屬荊州郡牂牁屬益州郡後漢州郡因之晉永嘉二年分牂牁立平夷夜郎二郡劉宋時牂牁平夷夜郎屬寧州隨開皇初置牂牁郡廢武陵爲朗州大業初復置唐武德三年以牂牁首領謝龍羽地置牂州貞觀元年以隋之牂牁

縣置朗州並析置恭水高山貢山邪施柯盈釋燕六縣
九年以隨牂柯郡之牂柯縣置播州今平越所轄數處
卽故郡地也案牂柯字形各書不同前漢作牂牁後漢
作牂牁常據華陽國志亦作牂牁隋志作牂柯郭忠恕
作牂牁韻書作柞柯或作椿柯亦作戩戩欽漢書西南
夷傳及宋晉志俱作牂柯亦當以牂柯爲是

管子中匡篇有南至

吳越巴牂柯之文是牂柯春秋時已有或係後人附會

牂柯江

十三州志云牂柯者江中山也水經注云牂柯江中兩

續黔書卷三

六

貴陽文通書局代印

山名異物志牂柯繫船枝也其山在海中小而高可以
繫船俗人謂之越王牂柯遠望甚小石高不佞山望之
佞爲一株樹在水中也班史以牂柯爲楚莊豪伐夜郎
椽船處漢初卽於是地置牂柯郡特以地屆荒服桑欽
酈道元輩未嘗一問津宜其於江流原委略而不詳後
之人或以烏蒙七星關水當之或以烏撒之盤江當之
或以定番之濛潭當之而總未覈也夫七星關之水固
東出烏江不注可渡河矣可渡源發金沙江來自吐番
由雲南之麗江塔城關入中國經鶴慶姚安東川武定

諸府至四川之叙州犍岷江合入於東海非若盤江之
從粵入南海也且盤江兩山夾峙波濤湍盪蛟龍魚鼈
之所不窟而謂可操舟耶若定番之濛潭雖注泗城州
而入粵而不能入番禺且涓滴流也亦弁史記所記廣
數里者不符吾聞唐蒙之風諭南越也蓋嘗蹤跡之以
爲夜郎臨牂柯江矣武帝遂拜爲中郎將從巴蜀筰關
入因見夜郎侯多同聽蒙約束還報以爲犍爲郡發巴
蜀卒治道從犍道指牂柯江今播州夜郎地也犍道又
弁播近則牂柯江卽烏江無疑余弭節遵義至城北九

續黔書卷二

七

黔南叢書
貴陽交通書局代印

十里有蒙渡橋爲黔蜀要路父老傳其卽蒙發卒治道

處云

常璩南中志云談指縣有不津江江有瘴氣案不津江卽今之丹江源發城南高坡又抱朴子謂牂

牂有沈羽之流不知當今何水也

羅甸

季漢諸葛亮南征蠻長濟濟火佐禽孟獲有功封羅甸
國王此羅甸立國之始也唐元和六年羅羅鬼主上表
請盡歸牂柯故地開成元年鬼王阿佩內增會昌中封
其別帥爲羅甸國王世襲僑宋開寶中普貢納土襲封
如故元至元十五年羅施鬼國主阿榨內增詔授安撫

司十七年復叛左丞李德輝諭降其酋長阿察奏鬼國
爲順元路以阿察爲安撫司至阿畫以軍功授昭勇大
將軍佩三珠虎符爲順元等處宣慰使加羅甸侯世居
水西有爵土霽翠卽其子也後爲安氏明洪武四年霽
翠歸附授貴州宣慰使翠死都指揮馬某欲盡滅諸羅
爲郡縣翠妻奢香奔訴太祖願效命遂率諸羅開偏橋
東水道以通烏蒙烏撒及容山草堂諸境且太龍場九
驛以通巴蜀而西南益闢卽濟火之裔也入國朝安坤
構亂討平之以水西爲黔西府

今改

比喇爲平遠府

續黔書卷三

八

黔南叢書

貴陽交通書局代印

今改

大方爲太定府烏撒爲威寧府

今改

蓋自濟火

至安坤曆千四百餘年而亡云

增明楊慎羅甸曲四首

山圍羅甸國水繞滴澄橋橋下東流水可憐無蘭橈
蠻樹不凋葉蠻雲不放晴長亭望不見何處是查城
寒鐙悶孤館陰雲鎖重城長夜恆思曉久雨恆思晴
林閒山胡鳥聲聲嘯我苒何似故園裏花亭聞杜鵑

八番

八番者大龍番小龍番臥龍番洪番程番石番

蠻語合誌石番

作金石番

盧番章番也五代時楚王馬殷遣八姓帥率邕管柳州兵討兩江谿洞至此畱軍戍之遂各分據其地号八番宋初以來有龍番方番張番石番羅番号五姓番世奉職貢受爵命龍氏於諸番最大其貢奉尤頻數元符二年又有牟章番入貢詔以進奉人章公憇公利等爲郎將諸番部族數十獨五姓最著程氏章氏皆比珣五姓又号西南七番元至元十六年設順元路宣慰司隸潭州行省遣兩淮招討使經歷劉繼昌招降八番俱授爲安撫司自宋迄元龍番分爲三而張番之裔無聞

續黔書卷二

九

黔南叢書
貴陽文通書局代印

明設程番府後移府於布政司治城萬厯十四年改州領長官司十七國朝康熙五十年革廬山司五十七年革大孛司雍正七年革洪番司今設者程番司章番司盧番司臥龍番司大龍番司小龍番司金石番司上馬橋司小程番司麻嚮司方番司木瓜正司木瓜副司凡十四也

銅仁

郡之西南隅有銅巖鬱然高峻弄雲氣相連接下有銅仁江白沙如米青石似魚洵嘉境也省志言筓有漁人

沒江底得三銅人挽而出之郡以此得名又載播州銅佛寺有七銅佛一夜皆失思南漁者得其四建金仙寺奉之銅仁得其三想卽以江中之所得者爲播州之所失也鉄銅之得在元時播之失則明嘉靖十四年歲月不符且江之得者三播之失者亦三仁者二人也何錫名又不實乎蓋郡舊爲錦州元始置銅人大小江等處其曰銅仁者則明洪武初改之之誤也或乃以播州之失者牽合之何其謬歟

苟扁洞

續黔書卷三

十

黔南叢書
貴陽文通書局代印

今永豐州之羅斛東六十里有洞在山巔寬廠幽僻人跡罕到相傳葛洪鍊丹於此余案葛洪本傳洪以年老欲鍊丹以祈遐壽聞交阯出丹求爲苟扁令至韶州爲鄧嶽所留不得逞乃止羅浮山修鍊是稚川未嘗至交州也何爲有藥竈之遺夫臨賀之石雷公磨刀涇州之堆夸父振履軒轅鑄鼎于鼎湖委波皆是重瓊播琴于歷畔頽阜都名大抵皆妄者所傳也

一統志句漏山在梧州府北流石峰千百

從平川中特起其巖穴皆句曲穿漏故名道書第二

十二洞天也案句漏山以在梧州者爲是貴州羅斛雖昇粵西接而不昇北流相直志又云洞有三石室葛洪嘗修鍊於此又有丹竈入仙石則亦傳聞附會

之言未質
之本傳也

豚水

海內東經云鬱水出象郡而西南注南海入須陵東南
案鬱水卽豚水也漢地理志云牂牁郡夜郎豚水東至
廣鬱又云罽封溫水東至廣鬱入鬱又云鬱林郡廣鬱
鬱水首受夜郎豚水東至四會入海水經云溫水出牂
牁夜郎縣又東至鬱林廣鬱縣爲鬱水又東至領方縣
東昇斤員水合東北入於鬱注云鬱水卽夜郎豚水也
又案豚水亦卽牂牁江水寧陽國志云牂牁江水出南

續黔書卷二

十一

黔南叢書
貴陽文通書局代印

徼之東通四會至番禺入海是鬱水卽豚水豚水卽牂
牁江水審矣牂牁水卽鬱林江卽駱越水亦名溫水也
豚字班氏西南夸傳作遯蓋字通也遯又作遂故歸匪
易遯卦之遯作遂山海經豚作逐郭注逐古豚字案逐
當作遂易之象爲豨神豨卽大豕也可知逐之宜爲遂
矣

續黔書卷之三

續黔書卷之四

黔南叢書第一集

武威張 澍鬪毅

萬卷書巖

水經注云積石河北有層山山甚靈秀縣巖多石室室中有積卷而世士罕有津逮者謂之積書巖巖堂之內時有神人迷還武陵記云天門山巖中有書數千卷見而不可取伏滔北征記云皇天場古陶穴藏書二千餘卷異苑云百丈山中有石房內有石案置書二卷荊州記云小西山石穴中有書千卷相傳秦人於此學畱之

續黔書卷四

一

黔南叢書

貴陽交通書局代印

故梁湘東王云訪酉陽之逸典也余載念苻言每思御飆輪而上尋瑯嬛福地培守門之犬讀玉京紫微金真七映一作瑛丹書紫字諸祕籍而遇齋緣慳未之或觀又

念乏壯武之方聞慚安世之善記卽有玉版奇文瑤壇怪牒亦嘗視芒砀矣夫羽陵盍簡牧德靈符羣玉爲庸成之策府宛委有高密之元經是名山者固儲書之石室貯典之蓬觀也玉屏邑東一里高峯峭壁鑿石千層儼若牙籤萬軸橫互江左則萬卷書巖也余旣不得讀中祕書而來此何敢薄民社爲粗官但一行作吏此事

遂廢每當敲撲犯虛牒訴裝懷之時登臨舒嘯坐擁萬
卷不啻南面百城而塵容俗狀俱爲之一洗是亦褻宦
之至樂也

增詩

祖龍劫火不到處長恩潛在深山語怪牒靈文媿皇墳
不計混沌何年貯天目層石作金題犇雷不掣勞黠鼠
狡獠詎識靈寶方徒墜蠻荒誰企佇壬戌之夏我清暑
一笑此中字堪煮擬將闊斧倩巨靈鑿破幽崖之岨嵒
龍威儻走赤雀飛露出尊盧古時楮水煎青鐵磨隄塵

續黔書卷四

二

黔南叢書

貴陽文通書局代印

寫遍雲膜字如黍語奇文奧驚鬼神借人可博束脩矜
孰意掌犁妒我心鋸斤未試風霆阻謨觴洞兮竟鑰封
濤聲日夜護江渚

遊紫氣山記

魯柳柳州之記遊也曰奧曰曠竊謂此兩言者不獨銀
山之景兼得山之理焉黔固山國也而玉屏之西境險
黎平其粵爲鄰連峯複嶺彌望不絕然或則魁父無丈
之材或則單椒無曲之巒求所謂奧如曠如者不可多
得今夏伏日埃鬱衙齋潮濕赫曦逼人王尉露謂城西

隅紫氣山雅宜遊暑遂觸熱往來半里見陂陀回互岡
巒起伏雜花叢於層石古柏蔭於疊崖涼颼徐來煩衿
頓滌實仙靈之館也爾其清谿環鳴瑟雞叶韻荇藻漾
潔游甲浮空樹入牀葍橫藤礙路山來鏡裏鳴鳥依人
予亦不自知其何目目不周翫情不給賞也嗟夫乎圃
銅柱君山玉臺姑射尋仙空桐訪道誠棲霞之逸志或
齒屐之寓言孰若此山境鄰城市不染鄙氛楹不待選
日自隱難田鋤芝而鳥耨泉挂鶴而煙霏哉假令子厚
來此必悔其巨嘉名錫彼穢區也

續黔書卷四

三

黔南叢書

貴陽文通書局代印

增紫氣山詩

淙淙流水隔橋聞靜坐蒼落鬱翠雲陽雀夜嘖千嶂月
簾勞閒鏤一溪雲曾傳白雪飛初地

有寺名瑞
雪禪林

詎有

青牛立夕曛幽境獨憐臨驛路馳煙誰勒草堂文

增衙齋苦熱詩

皓汗風光似壽麻無能清暑效浮瓜金丸我欲彈鷗鳥
好植瓊南孔雀花

遊東山記

出玉屏東門循山麓而行石磴盤曲路才容軌牛叩馬

搏視此郁夷方里許延緣於田畔時新雨初霽畦水漲
汎秧苗抽鍼平綠如岡穀犬亂吠殊足喜人再進則一
徑雲深層松攢柏列若夾道松柯隱景交蔭脩篁清籟
鳴條山壑含響雅可遊目憑衿悟衷散賞山之右爲寺
正殿倚巖結構雖未宏麗而眞容巨壯亦稱雄剝兩廂
有樓可眺遠下則遊人憩息之所旁穿小徑蒔蓺雜花
有洋繡球二株爛如雲錦薄午鬱蒸予倦甚沈睡多時
起呼醜則積陽已晒岫矣出山門振裊延風神志爲豁
牛下遠邨炊煙在樹歸飛之鳥千翼競來俯瞰大江回
縈如帶視往來征帆不啻鳧雁也

重遊東山記

今夏三月杪余曾策杖來遊茲以巡稼之隙復問塗焉
時金風初扇而餘暑猶勺藥乃於林際趺坐散髮跣足
松濤竹響清若竽笙舉頭一笑宛啻都消俄王尉聞予
遊亦來相弄踞盤陀翫霍靡聽鳴禽之上下俛視遠水
空明皓同積雪印瞻白雲翹然天外容裔如如而蓮峯
北聳疊椒重巘刻露清秀恍覺舊游無幾而風景頓殊
猶然塵鞅儼山靈騰笑我也乃朗吟曰青林倦鳥語綿

蠻侶說白雲返故山日月幾何風景換鏡中疑我尙朱
顏蓋予是時有退志矣遂循憇逕至寺後見碩木森并
圍繞沈池澈渟鏡澈浮萍含綠微颿乍拂漪漣生文菖
金魚二三百尾曦景斜注則相聚响風蕩爲戲又或衝
藻徑去游閒遠放若避世士然低徊者久之乃昇王尉
聯騎歸回視嶮嶮如攢圖之托霄上矣

飛鳳山

晉向長欲男女婚嫁畢裹糒遊五岳是其勝賞神鄉秀
情超拔矣余疇晉亦心栖白雲邈想霞蹤今遠宦來黔

續黔書卷四

五

黔南叢書

貴陽文通書局代印

始入界所遇巖巒殊無慰羈望者舊說天下山半在黔
中青疑昔人譎詞也洎抵任眠事稍暇凡境內山川亦
每觸岫延賞傾澗懷煙而人士多嘖嘖飛鳳山之奇其
言曰山之高森峯限日峭壁爭霞俛瞰城郭猶匹帛之
繞叢花險逾縣度累梯乃升下則桮雞河清流見底游
鱗可數沙如霜雪石侶擗蒲架木爲略衍通之蘭茝被
徑送馥懷芬榜曰衆香國高僧某卓錫時之所顏也玉
皇閣倚雲結構渺如仙居梵響凌虛遠山相奩轉側十
餘武丹崖翠嶂點黛飛瓊石罅中瀑布激素灑清如委

幅練數折入河聲猶雷轉循崖東而左仄徑難登峻亦
須翼攀蘿尋葛乃躋絕巔其上眞花不落古樹恆春岫
挂松釵岑交竹影流風叩阿宛若彈絲自下望之澹冶
如笑蒼翠如滴明淨如妝慘淡如睡四時之景豁目頤
懷又風胎雨鼓戲弄羽毛飛猗栖狸乘煙歌唵信可目
韜軼笙簧跨躡管籥予耳之神思飛越覺夙麻玉笥恍
遇目前急欲逞游目盪吾胸會差至不果輒形臆寐後
勘地丙谿途次埜雞坪去山里許見層巒疊嶂中一峯
高聳旁有兩山夾拱如鳳舒翼憬此山之得名不誣也
爾時船雲彭鼻陵雨潰流路淖而溷又不得往游目探
勝恍如海上神山可望而不可卽然予有濟勝具俟秋
高陵涼餘歎稍退終當凌最高峯造幽峻看博芙蓉之
石調鶴柅格之松聆風泉之虛韻翫巖桂之清香不使
子平獨精物隱也聊記此言目爲券

遊白雲山記

廣順州東四十里有白雲山層巒疊嶂如渴驥奔泉至
此而止白雲蠶峰頂陰晴皆見爲建文帝荒遜之所上
有羅永葦葦葦古杉三株長數丈其一經帝手摩至梢

無埒枝又有跪井舊無水龍神爲之涌波恆雨不溢恆
陽不涸時有雙鯉出沒其間取水者必跪汲乃可得云
余於癸亥之二月攝篆斯州暇日命駕往游欲向寒煙
蔓草問卓錫之遺蹤至則鹿苑積腐濫泉息脈林雅空
噪巖磬無聲惟嶺上白雲尙依依侶舊也道旁臥一石
碣鐫帝詩三首係州牧韓之屏所刻其中牢落西南一
詩作於滇南後二詩作於羅永者彙刻於此則韓君之
疏也余既別薛讀之遂策馬歸歸塗少轉有蒼嶺橫互
挾雲欲飛縣巖青石如婦人回首顧盼簪髻宛肖相傳

續黔書卷四

七

黔南叢書

貴陽文通書局代印

有神嫗每夜至帝所服役後被人覩歛化爲石又有沈
潭澗渟澗潏涵碧無波相傳帝嘗經此忽一靈犀躍出
踈伏道左若聽驅策者噫鳥翼庚辰虎乳鬪斑金狄洒
淚泥馬騰波蛇衛顛頊之墓燕填臨江之壙神獻管涔
之劍龍春寄奴之藥推詳述迹則影徹經史考驗眞怪
則叶符圖籍雖詞趣涉誕而音旨非誣矣旣作此記復
繫之曰詩

何年脂帝構曾駐玉皇蹤鐵匣歸天數金川避賊鋒驚
心黃屋杳滿目白雲封草木挺旌節袈裟換袞龍虬供

石洞米鹿聆闍黎鐘受詔犀分水服勞嫗化峰經途無

白鳥

一宿河至今無
蚊帶曾宿此

直幹有青松江海兩瓢寄關山

程濟從鵠嘯篔竹裂鶴唳瘴烟濃我至尋遺跡悲填萬

古胸

增建文帝君臣論

余嘗讀史至金川門失守而王鉞言高皇帝有遺誠既
得鐵函鎖柙度牒剃刀竊嘆壓弧箕煎妖讖亡姬蒿棘
女珊天心割藻侶有定數不可以人力爭亦由聖祖不
建青宮輔弼俾作皇覺裔餘也又念少康逃竄終秉元

續黔書卷四

八

黔南叢書

貴陽文通書局代印

圭宣王潛閭仍杖黃鉞五年而天節反一旅而中興奏
則忍辱圖存乘機觀變未始非識時之俊杰撥亂之鴻
才方其成皇死沙場昭帝居瘡瘕俺答鳴鏑戈鋌鈍於
邊關高煦磨牙蜂虻伏於肘腋國執孤注人情狐疑必
不能長駕遠馭皋牢萬里之外而滇黔地險沐氏兵彊
假令効勃蘇頓庭威公汰血自能發勇氣於仲禮唱義
聲於濟陽濮軍出荆門卽襄鄧可搖戈船下瀘南卽長
江可據奮青邱之神劍返紫宮於彝庚仁壽之鏡重明
雲臺之仗復設握符闡珍當不其難或者謂夏桀浮舟

是爲失位夷吾返國終辱先君故文叔受符不惡成帝
復生元聖西歸苦讓忠王繼統也豈知惠王居櫟殺子
積而返都襄王居鄭誅太叔以奠位伯者克定其難春
秋不目爲非況未虐謗人翻同流彘未警蛾賊竟爾蒙
塵反謂三靈改卜九廟弛縣豈熏丹穴目求故君忠乃
不足閉沙邱而餓主父事固有名歟無如斷齧難期荒
野永遯嘓痕浸淫於枕席黃屋寄寓於團瓢不知晉鄭
之依疇爲共和之計黃圖赤縣置之罔論母亦諒精衛
不能塞海愚公不能移山遂甘心於瘴雨蠻烟罔筮夫

續黔書卷四

九

黔南叢書
貴陽交通書局代印

貞風熾火哭連鸚鵡寓公誰迎謠應豆田出帝不返雖
亡國大夫不足昇言事而千秋直史何未書均房乎簪
者乎躡降泚水而容吳杜宇禪開明而遠放要皆榮遺
松棟罔念萬國衣冠塵視玉軀何計三泉鬼雁乃誦楞
嚴而白髮蕭蕭敲梵磬而天門蕩蕩聖人寶失虛想早
斲之雅法王輪空尙戀茶毗之骨母亦備嘗險阻精力
銷亡魂將斷於祖龍方思山鬼銜璧運已去於佛狸又
恐帝昶實鹽思歸葬西山故明廷自列乎至若痛哭之
五十餘人從亡之三十二士沐雨櫛風胼手胝足四十

餘年忘其勞勩吟不動於龍蛇走自効夫牛馬雖無仁
傑之偉烈返金輪於廬陵亦有子家之孤忠奉馬鞍於
犖井所謂朱炎鑠石不靡蕭邱之木凝久慘栗不凋款
冬之花義悲六合仁感萬禩目視當日之韜面授衣開
門延敵昧衛難之洪義拜殿下而主臣者豈可同年語
哉

梵淨山

黔之郡凡十三而山接蠶叢江通雲夢扼百蠻之要害
者目銅仁爲最銅仁之山凡數十而巖谷幽異峯巒峭

續黔書卷四

十

黔南叢書
貴陽交通書局代印

別壯三江

也江宙羅
江銅仁江

之形執者目梵淨山爲尤玉屏其

銅密邇余恨局於墨綬不得逞一問辟支佛之遺蹤然
數數輒聞其奇默想其景髣髴其境界不啻目擊之也
聞絕巔有寺風厲不可瓦治目鐵疑蜚廉爲之獻炭屏
翳爲之鼓爐也寺側有崇臺三曰拜佛曰說法曰煉丹
疑鴻衣羽裳練精餌食之夫所宅也有井曰定心水寒
沁肌骨清鑿毛髮疑飲之者可洗躁進之懷也山後有
池曰九龍池皎焉沖照淨無斥草疑有翠鳥銜其淪蕊
也登之者先由金刀峽而上峽之高千仞中如斧割隔

五六尺許有飛橋相接疑巨靈之所開鑿也左右皆立
梵宇廣闊可容數十人陟者攀絙上下若蹈空而行疑
上落雁峯千尺之幢也至其椒千里風煙可一覽而盡
疑登岱宗日觀可小天下也然周圍僅四丈突兀陡絕
疑狽徒喪其捷巧颺族謝其輕工也又有香爐峰綿絮
巖藏經巖羅列競秀下有九十九谿紆折環繞匡廬叢
巨之勝天台雁蕩之奇亡目逾也余於黔之錦巖珠壑
祕洞靈淵亦幾遍踏矣疑此山不獨銅仁之壯觀且爲
全黔之勝槩也何必泛螺舟而渡海乘毛車目翔風登

續黔書卷四

十一

黔南叢書

貴陽文通書局代印

孽搖顛羝于大荒深淪次錢來于泰遠然後詫語殊靈
柔標怪秀目爲異乎

游飛雲巖記

天官家言周雲如輪魯雲如馬衛雲如犬秦雲如行人

齊一作鄭

雲如絳衣宋雲如車趙雲如牛楚雲如日韓雲

如布魏雲如鼠越雲如龍蜀雲如車而不聞黔之雲爲

何狀余來黔見毒箐灌莽嵐溼之所蒸鬱爲蠻雲類符

陽之怪氣無所謂花葩糾縵錦繡縹緲縣擘曜藻慶喬

網緼者乃至黃平游月潭寺顧瞻巖石則爽然失愕然

驚且憲憲然目不周覽也則見奇執闕詭不可名狀或
鼠鼯而彭薄或輪囷而屈鬚或遼巢而蒼鬱或逆豎而
倒縣或龍螭而虎辰或鵬奮而鳳軒或蛟騰而鵠逸或
獅厲而象狂或纛引而旗導或纓綴而帶翩或乳垂而
煙結或浪擁而濤漩而且高者礙日下者回嵐巨者勺
谷空者隱潭皺者膚蹙漏者竅含瘦者骨削薄者殼多
墜者星落簇者毛毳立者如暎欹者如嬉蹲者如怒斷
者如虧竊嘆曰此巖之石何其譎也何其似雲之欲飛
去也雖然造化之工之奇能目黔之荒僻而闢此靈巖
復能使磊磊之石變態而不可究詰卒不能使雲之東
西絡繹南北油裔者如此巖石殆此巖已罄造化之巧
彼蒼無復餘情目付豐隆故此巖遂得獨擅飛雲之奇
也夫

增飛雲洞詩

幾年仗劍尋龍子孰意飛來石洞潛嘘氣成雲作霖雨

竄身僻陋亦何嫌

相傳洞內有神龍大雨時開出

琴不雁蕩醫巫閭似此靈巖總不如齒冷客兒誇木屐

那知天外步雲車

游黔靈山記

古城李孝廉芬逸曠士也余引疾閒居日偕游雪厓洞
因爲余譚黔靈山之勝約共逕游旋孝廉返鄉去不果
時屆初秋炎都褰埃旻寓滌氛遂乘輿步出陸廣門石
逕紆曲形似書字寒谿沙衍靜無漚澗遠樹空碧哀蟬
激響恍助予之鄉思約行三里衆山回抱中露出羊腸
一綫盤旋直上若鳥狷霄天風振袂足履波濤仰眎蔚
藍天蒼蒼如石壁洎造巔則阿平開朗四徹中繩若未
始有山者修篁萬个蒼鬱成林曦暉側注金影瑣碎延

續黔書卷四

十三

黔南叢書

貴陽文通書局代印

佇凝睇青甯蠕動綠痕上衣裾苾芻出邀入淨室茶飲
少憩由正殿側右至一院斜峯入牖曲沼環堂樹響飛
嚶階叢花藥則游人匡坐之所也壁多題時官詩獨鄂
西林相國近體二章契予心據石和之擲筆舍去抵寺
後見攢木千章圍繞如幄長卿緣坡而舒翠茵子增枝
而凝紅蒲錯振羽於草根媚蚪引嘯於林杪扶老之禽
昇梵唄相奩石竇之水共松濤偕鳴余亦乍覺其秋色
之上眉也徘徊者久之日已入蒼林埜烟漠漠微辨來
時路望見明月宛如故人偕游者予弟淑也

增追和鄂文端公詩

烏紗新脫卻擲杖問仙靈袖攬嶺雲白眼爭山骨青鈿
鐘林表度馴鹿苑葑經寺僧養鹿子二默念銅文頌商飈入廣

庭

一泓鳴玉筑萬綠聳金莖似此山如買當爲智者營聽
松濤蓋偃顧影月波傾俛仰九霄闊軒渠鵝籠生

增元詩

弓衣馳小隊紆逕入黔靈隔岸竹林紫翠頭天骨青芻

尼馴上座梵貝理殘經問訊峩眉老獾獠認祖庭

主僧西川

續黔書卷四

十四

黔南叢書

貴陽文通書局代印

人主曹溪派

剝椰車三甕莊巖草一莖衆人殊狗苟吾道亦蠅營活
殺從渠會泥沙迥自傾底緣返初服安養證無生

游牟珠洞記

牟珠洞在貴定縣西十餘里洞內有羅漢大土石像皆
天生自然妙麗莊嚴石筍一株竦削鮮瀾青如瑤簪余
壬戌至黔徃來且蘭數過其處乃呼道士燃炬深入則
見石乳結撰嵌空玲瓏闢闔摩豁天開別境雲譎波詭
莫可名狀有若象者躡足而躡蹠有若龍者攫爪而蠕

雙有若虎者磨牙而趨趨有若豹者談舌而捫撮跪者
若羊眠者若牛逸者若馬藉草而伏者若禺狻負厓而
犇者若麋鹿又有十丈蓮花亭亭扶筵翠色欲滴如仙
掌之金莖也藕船類屋橫互天漢波濤齎森如博望之
星查也石梁聳峙如彩虹跨臥上有仙官鶴鬢羽衣童
子持幢苒導也又有樓觀宮闕結構窳窳如入建章之
宮而千門萬戶也如造閬風之巔而銅柱瑤棟也如游
蓬萊方壺圓嶠三山而羽人出沒其閒也有石鐘焉蒲
牢生動蠡文齧鼓叩之如木勝周景王之無射也有石
鼓焉擊之則軒乎鬻乎如奏鈞天廣樂其聲動心無需
蜀郡之桐魚也道十撥火指地上曰此梅花也际之瓣
藥鮮妍皎瑩如玉疑天女之所散釋迦之所拈也忽有
聲自中來泠泠然似琴戛戛然似筑琮琤然似敲玉嫋
嫋然似彈絲復杳杳然似湘靈之鼓瑟羸女之歛簫也
頃之砰然如雷霆轟山劃然如巨靄劈岳潔然如康回
觸不周其澎湃振盪如天風海濤然其淩厲呼號軒天
蹠地如昆陽之戰猛獸助怒屋瓦皆飛然余方愕貽驚
詫莫知其所以然道士則曳余裾出洞指淵問曰向之

聲不一聲者水哉水哉余曰然乃記之

坵牟珠洞詩

洞內盛仙佛瑤瓔瓊垂華鬋洞外森樹木頻伽婆羅
翔紫竹落花滿地證般若流水空山悟真如來游兮鐘
鐘鼓鼓仙佛額手紛告予繫我方外之人兮宜巖居何
事人閒金碧精吾廬

鮎魚洞

洞在玉屏大江右石壁百丈中凹一洞碧水珠迸大如
宮簾產鮎魚焉或曰洞中一石垂爲鮎形故名也案說

續黔書卷四

十六

黔南叢書

貴陽文通書局代印

文鮎鯢也余正釋魚注鮎別名鯢江東呼爲鮎昔陳蔡
之厄作祟以與季路博者卽此物也夫鮎之爲言黏滑
也鮎魚似之鮎兩目上陳方頭腹重墜若囊身微紫色
無鱗一名人魚其脂然之不消耗秦始皇當以其膏爲
燭又似鮎鮎偃額大首長尾四足一名孩兒魚生溪澗
能上樹含水葉覆身鳥來飲水輒取之王會篇穢人
前兒卽鮎也余正鮎大者謂之鰕也知鮎鮎之狀鮎形
如繪毛傳說文以鮎爲鮎以鰕爲鮎殊闇於訓稽矣周
益公記宜興洞有四足鮎宋乾道六年行都北關有鮎

魚色黑腹下出人手於兩旁各具五指則鮎妖也玉屏城西二十五里又有鱗魚洞產鱗肥美

諸葛洞

偏橋北五十里許有諸葛洞一名甕蓬洞武侯征南蠻經歷處也洞中有怪物狀如水咒往時曾出爲祟地執緊湊夾岸飛巖望似染黛上下距縣五六丈巨石臨危若墜復倚濤涌波襄瘦蛟跳舞渾浩曩怒響振磧坻溶流沈起迄於下口雖雞翹洪之險亡以喻也舟至此遂止冬月水執稍緩多人撻曳可至偏橋其上雜樹交蔭罕見曦景立泉飛流千丈似布湍激之音奇爲壯猛曉禽莫獸哀鳴相和亦饒野花丹葩綴谷若紅雲秀天薙焚飾巖若銀燭眩目觀者思難周賞情乏圖狀矣壬戌四月余自貴筑返屏禺中至施秉汜舟經此因涪潏水漲白波如山爾日又值大雨鴻流尾輪環濤轂轉桀石橫互江中礧礧似屋一葉輕舟時時觸之霆若鱗盪日驚星覆恍天吳爲之眙歛奇相爲之颺躔也然延闕飛湍魄未之駭後爲友人言之輒咋舌去

響琴峽

平越酉陽驛之東十里攢峯刺漢古樹蟠蚪斷壁中分
峭如斧削而碧流飛注激電轟雷其聲泠泠然清越以
長非箏谷之金絲異篴浦之楊柳也吉林德觀察隆榜
石曰響琴峽蓋得其似矣余系之以詩

雲浪琮琤響玉琴空山寂寞誰求音
倏來風雨羣靈會
寫出成連海上心

相見坡

吾鄉隴東之六盤山森壁軼雲竦巖造漢寥籠虛岫峩
峩積阻路若絕而復通石將積而更綴所謂窅窅而曲

續黔書卷四

十八

黔南叢書
貴陽文通書局代印

剝施其高者歲甲寅經此下車山麓挽衣荷笠而上後
人見前人履底前人見後人之頂如畫累重人矣延緣
拗折牖明至禺中乃躋絕巔俯視人馬如蟻行者憩者
遠近逶迤陣演率然矣復盤折而下石磴苔滑樹杪雲
橫深壑小語高峯如騰風息畏佳峻逾邾邛然籐交筆
秀澗響泉飛瀏覽忘勅今至相見坡靡迤陂陀下屬深
渚巘岈巖嶙上虧日月極天之阻實在於斯是以行者
望風謝路而異嶺共雲別峯同雨恍如盤山之在我前
田山薑云陟首坡則尾坡見陟尾坡回矚則首坡見立

中坡而望則首尾俱見起伏偃仰石垂烟接方沈澗心
突凌峯頂行者此以手招彼以口呼送諫富於咫尺而
不知三十里之遙也形容可謂逼肖矣余也有客兒之
豪情江山助興無柳州之嘉藻林澗貽羞聊綴長歌以
當游記

上坡面在山下坡山在面相見令人愁不如不相見昔
誦吳江施武詩令我胸顛心滋疑今年奉檄羅施國陟
坡正值芳春時春雨霏霏泥滑滑與夫邪許肩爲疲一
步一顧上高嶺遙遙樹杪人團影須臾不見循幽坑呼

續黔書卷四

十九

黔南遊書

貴陽文通書局代印

聲宛如在深井斜飛瀑布巖垂簾亂綴雜花野照暝批
頰側翼桂之樹清蟻舒嘯河之塵黃犢哀鳴鷓鴣叫下
輿四望風颺颺葛藤鉤衣足欲蹶拍手嬉笑來蠻兒椎
頭鑲耳語蒼蒼似說前面箐林高我曾攀緝上仙掌渺
此九牛之一毛裊攜白雲空眼界碧雞金馬嗤王褒下
視行人相勞苦肩瘡蹄血多商賈青荇圓裹夔州鹽黑
苗斜插雞子弩颯颯楓林吼虓虎山王祠前煙一縷

增七律一首

九折千盤相見坡獷家茅屋結山阿誰其云者飛黃鶴

若有人兮帶女蘿邨酒柔情玉練語蠻童拍手烏鹽歌

商訛

苗言放牛也

搖箏愁犖角鳥路斜陽自古多

聖泉

寰宇源泉何啻億選而効靈廣堪者殆難更僕數以予稽職方所載奇詭尤著者如滄州之澄綠泉泛金石不沈也允街之泉水交旋如盤龍攪之亦成龍狀也廣陽之妒女泉婦人炫服靚妝必興雨雹也霍山廟之泉鼓動則流聲絕則竭也江乘之湯泉半冷半溫共出一壑也多喜山之雄雌泉春夏左盈右竭秋冬右盈左竭也

續黔書卷四

二十

黔南叢書

貴陽文通書局代印

安豐之咄泉大叫則大涌小叫則小涌咄之則涌益甚也是皆別具橐籥壯坤輿之觀不僅飲石上寒蟻娛雲邊野客已也而要以黔之聖泉可驗潮汐爲尤足異夫漳浦蠟潮侯官潮泉鐘山應潮連州潮泉固亦消息有時突然則彼地瀕海隅緣海爲潮汐而於泉無與又若媽亭石穴池陽湖泉章貢三潮安寧海眼連州斟溪樂平鳳游荆門蒙泉郴州潮泉青城潮泉龍塲驛潮并去海夔絕似與此泉爲伍第彼之潮候僅再至三至亦未有百盈百渴不爽晝夜如此泉者王韶之始興記云貴

州有漏洩一日百盈百涸應漏刻殆指此也余曾再履
其地見一泓白石罅迸出噴若玉寶泄爲瑤池浮若醜
瑚瑩成琉璃試以錢置石上卽潮涌而與錢齊不灑不
淺則信乎此泉之得擅聖名也宜其橫竹引之調符取
之以蠲痼滌塵珍於玉酒瓊漿可也奈人之飲狂掬貪
或且漱盜而去此若浼者亦獨何哉

增楊慎聖泉詩

龍圖天生水羲畫山出泉騰茲霽沸流肇自混沌年盈
涸在頃刻消息同坤乾塵刹變潮汐億垓無質遷帝臺

續黔書卷四

二十一

黔南叢書

貴陽文通書局代印

盜漿下神瀆壺嶺巔冰雪姑射質風露綽約仙寶雲騰
瀟瀟泓月涵涓涓蝦須穿皎鏡蟹眼瞭淪漣岷觴衍游
聖坳舟喻思多迷蹤鬼方霧縊眞羅甸烟詎逢陸羽品
邛遇桑欽傳名公紆勝引嘉招陶芳筵折簡開蒼蔚飛
觥延霽天玉珂鳴重巘金艾明華田碧激灑柔翰翠微
鑿洞絃臨淵稱混混倚谷望裕裕麗闔馨鼓動回谿蒼
燭然荒塗欣長會興言遂成篇

續黔書卷之五

黔南叢書第 集

武威張 澍勳穀

多雨

史記正義引太康地記云河北得水爲河塞外得水爲海自小而大之也楊用脩云黔人謂雨爲清露自多而少之也余辛卯之嘉平月入黔境卽霑霖自玉屏至貴陽凡十程僅得一日晴故有漏天之號山海經曰應龍已殺蚩尤又殺夸父乃去南方處之故南方多雨郭氏注龍水物以類相感余竊謂牂柯分野上當天井是多雨潦非必如隕歎之所云也

拊愁霖賦

蘇利回驂焦明舞翅蜡爾雲垂孖流霧織苦雨連旬陽鳥引避人不堪憙天何徑醉中庭桴渡炊窳烟霾昔耶上壁胜遇翔階百糜泥滑千井鼃排門無繫馬戶絕吟鞋茹愁獨臥散漫傷懷若夫關山綿互久理征鞭雞聲店裏人影橋邊寒颿震蕩怪鳥盤鷺衣沾骨冷髮沐涕縣沈陰斷地積水連天長塗躑躅故國茫然別有儒生御旅詞客郵亭短垣傾圯敗瓦飄零囊無長物案有餘

螢檢書泣鶴讀曲淋鈴草元寂寂梧坐冥冥裹糧無友
飽德自馨於時石決花蘼林於葉結澗浴青豨浪浮赤
鼈鳩婦不來桐魚宜截后土難乾屏號尙泄假蓋誰憐
墊巾可折三日佳晴諺云天無三日晴也云胡不悅爲之歎曰銅
鼓山崩男甕蓬水漩澗八番秧苗爛六額蠟幣爛牛肩
拭泥血龜鼻解銅環兩師從此去爲我洗愁顏借得穆
王笛吹徹此荒蠻

歧舌

呂氏春秋功名篇云反舌殊俗之國高誘注一說南方

續黔書卷五

二

黔南叢書

貴陽文通書局代印

有反舌國舌本在前也未倒向喉其語與中國語相反
因謂之反舌淮南子墜形訓云東南有反舌民高誘注
語不可知而自相曉海內南經有歧舌國藝文類聚引
作反舌國其人反舌辛覽云軒渠之國其人四舌而三
瞳通考謂之二重國拾遺記云因霄之國人舌尖處倒
向喉內亦曰兩舌重沓金筑苗狎之巢穴余代庖之曰
苗有訥牒者令伸舌視之宛如王子年所說蓋舌主心
苗火旺於巳巳爲蛇故蛇歧舌南方歧舌之民其亦火
旺之象也

醫方刻石

宋陳堯叟爲廣南西路轉運使嶺南風俗病者必禱神不服藥堯叟有集驗方百本刻石貴州驛舍地方賴之余壬戌至黔遇道旁殘碣必剔蘚尋之無有也大抵年代塵邈非風雨剝蝕卽沈霾蔓草否則爲牧童敲火牛礪角以致毀湮耳

石刻

修文縣二里龍岡山鑿陽明玩易窩五字洞口鑿陽明小洞四字王文成貶竅時講學之地也都勻城北有石

續黔書卷五

三

黔南叢書
貴陽文通書局代印

壁鑿仁智之情動靜之理棲此盤谷飲此泉水十六字張鶴樓遣戍是邦誅茅讀書題此以自慰也黔西州北六十里有方石厚闊各尺許長二尺默擡卽起語則多人不能動上鑿天合二字都指揮馬擘之遺跡也貴陽東山翠巖崔嵬琳宮縹緲鑿君山讀書處五字郡人楊大賓習業之所也安平之噴珠泉鼓掌喧嘩珠璣迸出鑿喜客泉三字參政焦希程之所題也永從之石芝洞鑿石芝洞天四字副使徐九皋之所題也又皮林洞有皮林山一名過化山參將鄧子龍題過化二字寨民相

傳歲以石灰填之否則多病目也龍里縣南之雷雲洞
奇石怪壁巡撫郭子章題之曰雕雲也餘慶有古洞白
雲封洞口則兩立至邑令韓任甫題之曰慈雲也龍泉
北三里岩上刻天河洗甲四字劉綎平播凱旋經此勒
岩也麻哈江之橋葛鏡建屢爲水決三建乃成糜金巨
萬總督張鶴鳴鑿碑題葛鏡橋三字也安南縣文廟旁
有石方廣數丈總兵鄧子龍鑄欲飛二大字於上畫寬
尺許也又縣南雅關下有飲馬泉傳漢將軍關索至此
人馬渴甚泉忽湧出成池參政林喬勒碑池左曰甘泉

續黔書卷五

四

黔南叢書

貴陽文通書局代印

聖跡也

國朝總督蔡毓榮
泐且以飲人四字

桐梓之葫蘆洞清幽深遠石

狀龍蟠邑令萬侯建額曰天外賞大學士王應熊有北

顧岩三字俱鑄於洞口也永甯之觀音洞有白石如龜

鑄神龜玉液四字也天柱之千佛鐘鼓洞微霧濛濛清

流濺濺邑令朱梓題石曰天下第一奇洞也婺川之蟠

龍洞壁鑄蟠龍化雨四字也銅仁之東山突兀奇峭俯

瞰大江絕壁鑄雲彩江聲四大字也都勻之夢遇山有

碑鑄仙人張三丰觀瀾處八字也平越城西五里崑上

有張三丰遺影郭子章於高處鑄神雷宇宙四字也遵

義城北三十里有石壁上鐫十二字云山齒齒水瀾瀾
白飛霞曾到此也凡此石未駁落字畫可辨皆明人之
遺跡也至遵義之白縣堡鐫石曰如能順從則世享福
壽宋忠烈公楊燦以十訓刻石示子者也龍泉縣東五
十里有山高數十丈上刻仙羊巖三字相傳唐人之書
也又夜郎崑刻夜郎古句四字相傳李曰經此所題也
若鎮遠之香爐巖畔刻泝流光三字相傳爲漢忠武侯
所題疑未能信也又永甯之畱節洞石乳凝結上有字
如蝌蚪不能識也永從之碑摸崑高數十丈上有仙書
紅字又仙崑數處皆有大篆嘉靖時酉陽司來侵地募
人鏟去也畢節城北一百二十里有碑相傳武侯所立
文漫漶不可讀也此皆余足跡所至耳目所覩記考之
於地里參之以聞說信而有徵者也其他奇崑陷壁幽
崖邃洞或有祕響異蹤余恨無颿車未之到也然書不
能擬岳碑文不能比嶧山猶筆之赫蹏不忍棄者志余
黔中之所得僅此也

俗字

黔南各郡民苗訟牒中多俗字亦有字書所載而音迥

不類者詢之亦有解如套讀爲下言措勒不與也豈讀

爲擺言行止動搖也夔讀爲戀言婦女善淫也又夷讀

爲紐言以蟲置火上狀紐動也集韻夷遠員切音權蟲入火貌鴨讀爲

刁言人形短矮也廣韻有爲字音將與雀同說文爲依人小鳥也卍讀爲緝言

嘲晦之斜側者也集韻卍音塊塊也淮南子說林訓土勝水非一卍塞江又普木切音支義

亦孛讀爲鴉言水之分流者也孛廣韻集韻類篇並音滋玉篇云雙生子也黔

之古城南有孛江車浴兩水將合處形如八字有寨焉亦名曰八孛

川字

黔之人呼牛馬之竅爲舂余莫知其解或又曰穿思之

續黔書卷五

六

黔南叢書

貴陽文通書局代印

知當爲川始信土俗方言果符訓詁之指歸也案山海

北山經倫山有獸狀如麋其川在尾上其名曰罷九郭

注云川竅也而姚旅露書引山海經川作穿蓋穿可訓

川故釋名曰川穿也顏師古漢書李尋傳注云川者水

貫穿而流通也裴氏廣州記云南海龍川縣本博羅縣

之東海有龍穿地而出卽穴流東泉因以爲號是川之

訓穿傳記多有之又伯樂相馬經有馬白州亦當是川

字畢中丞沅山海經校本疑川當爲州蓋据尔疋之白

州騶不知郭氏彼注亦以爲竅則州爲後人譌寫無疑

也張揖廣雅亦云川譬也可証

螿字

黔之人儕輩相呼其偶不往赴則唉曰螿質問之則螿者不來也案古螿字本有來音劉向引詩來牟作螿彝郭顯卿字指螿字從釐徐仙民讀與來同鄭康成儀禮注曰狸之言不來也徐廣云狸一名不來天子設狸侯所以射諸侯之不來者取此意也是黔人之言不來爲螿猶狸名不來爲反切之音如并夾爲籥終葵爲椎邾婁爲鄒勃鞞爲披舉矩爲莒勃蘇爲胥壽夢爲稟舌職

續黔書卷五

七

黔南叢書

貴陽交通書局代印

爲殖顛孫爲申蒺藜爲茨茅蒐爲韎扶胥爲輔於菟爲虎不聿爲筆軒轅爲韓俠累爲傀瓠盧爲壺鞠躬爲芎丁甯爲鉦辟倪爲陴和同爲降句瀆爲穀明旌爲銘大祭爲禘蠶蕪爲須于居爲邾窓籠爲聰蠋螭爲鳩螭螽爲疾蔽膝爲鞞側理爲紙扶淇爲濼狡狴爲獅不可爲叵奈何爲那何莫爲盍者與爲諸之焉爲旃徒格爲斥如是爲爾之類皆以雙聲合爲一字其學起於涿郡高誘其注呂氏春秋淮南子往往詳其音讀而韋宏嗣注國語亦有音切今人相承以爲始樂安孫叔然者誤也

生六男

癸亥二月余在會城一日晨集公廨同僚有言黔西某

里王氏一胎震六男者子母皆無恙或以爲駭余曰此

固黔之已事也昔陸終氏娶鬼方女嬪音翻人表作女嬪故集韻音潛

一大戴作女嬪一作女嬪誤久孕不育啓左脇三人出焉啓右脇三人

出焉譙周輩咸以爲誕以今況古知記注者不妄也而

又何怪焉曾聞前朝遵義天旺落六寨土女酥卽孳產

牝牡而獸尾衆以爲女與畜交故有此三度關守者白

之總督馮岳將訊之岳曰蠻族本穴居巢臥人獸相雜

續黔書卷五

八

黔南叢書

貴陽文通書局代印

卽此盤瓠馬人之故習也遂令壤所產而置女不問

化虎

括地志越狹之人老者化爲虎博物志江陵之羆一作猛

人能化虎好着葛衣天中記云南蠻人呼虎爲羅羅人

老則化虎有羅藏山今黔之夷俗亦善變虎王漁洋記

定番土司事非妄也土人言此事多有其子孫入山頗

識之虎亦數往其家巡視余竊怪焉夫齊姜化螟螽而

吟帝嬪化菘草而媚宓女填海爲精衛嫦娥奔月爲蟾

蜩是皆幽思煩冤鬱遏莫發化爲異物憤憤鳴情若伯

熙之爲黃能如意之爲蒼狗黃母之爲大龜杜宇之爲
嚮周仲明之爲王鮪殆又所謂彊魂敦圉淪化椒誕者
矣乃孟食裳襲而忽斑其皮鋸其牙虡其聲是漆齒鑿
耳之倫皆牛哀與李耳也鬢首渠股之類咸左飛與封
雍一作那也不必見蛇始以爲杜預不必見蟹始以爲彭
越人之化也小大無優劣善惡無常體書佐鈴下且見
之爻象矣儻淮南子所謂志與心變神與形化者矣蓋
猶是廩君務相之餘風也或曰蠻人有術能使人化爲
虎受此法者以三尺布巾數升米糲一赤雄雞一斗酒
又聞夸能爲變鬼法或男子或婦人變形作羊豕驢羸
之屬齧人至死吮其血咽之土官重其法禁不能止或
捕得輒生瘞之名曰鬼方良以是夫

呪尸爲魚

西南國風土記云邪術有卜思鬼者婦人習之夜化爲
猫犬遇病者攝其肉唾水中化爲魚鰕取而貨之今黔
南諸苗能以術呪尸爲魚而食之亦此術也又有苗手
持蛇啗之采樵歸捕蛇滿籠中蛇亦不能去儻卽西京
賦所謂水人弄蛇者與聞雲南迤西南牙人婦人怪者

或化異物富家化牛馬貧家化猫狗至夜伺夫寐以短木置夫懷中夫不能覺卽化去攝魂魄至死食其肉有守者逐得則夫家亟出金往贖否則殺之又猛密人工幻術能易人心腎手足致死卽牛馬亦然

石棺

玉屏縣志云玉屏城西北隆萬間欽天監奏其地當產草寇遣使七晝夜猝至掘之石棺蓋半啓其人一手握髮一足踏棺執將躍出急以銅釘釘之乃斃聞初葬時係木棺也此與汪喬年發闖賊祖墓內有金蛇鐵鐙事

續黔書卷五

十

黔南叢書

貴陽文通書局代印

相類余考唐中和三年六月三日太白山人謁金州刺史檢校尙書左僕射兼御史大夫崔堯封曰本州直北牛山旁有黃巢谷金桶水今大寇之帥黃巢盜據上京近已六年又僞國大齊號金統慮王氣必在此山伏請奏聞蜀京發卒破掘則渠賊將敗堯封遂與州官點諸縣丁男萬掘之月餘山後崖崩數丈有一石桶桶深三尺中有一黃腰獸旁置鹿盧劍長三尺黃腰見之呦然數聲自撲而死堯封奏聞至秋黃巢果衰中原尅平此又與宋永嘉末吳猛殺建昌巨蛇而蜀賊杜弼卽滅事

相同也嗟乎古今來巨慙大猾皆山川之鑿氣鍾之安
得迅霆宣威巨靈鼓斧摧深山之虎豹殛大澤之龍蛇
以免斯民於塗炭哉

人疴

龍里縣東門內短垣數堵筆門前斜立一人年約四十
餘衣甚須捷面頰而容有蹙左目修翹右目內有肉釘
挺出長幾三寸粗如小兒臂充滿眼眶有橫痕略似麋
目形而肉色殷紅余於壬戌十月初四日過見之爾時
細雨溟沐其人負簷猶張目而睨眎也噫異哉儻卽所

續黔書卷五

十一

黔南叢書

貴陽交通書局代印

謂人疴者與

風鬼

十洲記風生獸似豹青色狀如狸在南海大林中張網
得之燒之不死斫之不入鐵錐鍛其頭數千乃死張其
口向風須臾仍活以石上菖蒲塞其鼻卽死又謂風生
獸喜食蜘蛛啖薰陸以腦和菊花服至十斤可長生常
持一杖指飛走則不能去人得之指物所欲如意診諸
昔說卽廣州記之平猴嶺南志之風母抱朴子之狷獮
虞衡志之風狸也又禽經風翔則風注云風鳶類越人

謂之風伯淮南子羿繳大風於青邱之野許慎注大風
鷲鳥也異物志云蟹之腹有風蟲狀如木鼈子而小色
白食之發風毒是風獸風鳥風蟲昔有之矣未聞有風
鬼者陸次雲洞谿纖志云風鬼出黔中無形無影以旋
風攝人爲害余至黔輒以此問人咸云無有不知是次
雲讐言抑昔有而今無也

鐘鬪

平越城南有高真觀觀旁有洞幽邃莫測內有物若牛
時出見之相傳明正德閒忽一夜洞外雷吼僧驚恐起

續黔書卷五

十一

黔南叢書

貴陽文通書局代印

鈔鐘失鐘所在有頃聞鐘一路負聲而來諒震林木詰
朝眠之凡欒銑上下甬紐左右悉黏水草乃寤疇昔之
夜與牛鬪也後繫之乃止大凡物歷年久遠能爲神怪
水西之金雞啼月查城之石虎噬人石龍騰甲而鼓吹
聞亦在普安桑木被斧而雷震至在綏陽城中悉有證驗非同
假誕矣

馬化石

貴定城南四十里有白馬山上有古池深不可測人迹
罕至至則風雨晦冥相傳有白馬見於山下一黃冠呪

之馬上山化爲石云案水經注蜻蛉縣有石豬子母數千頭傳言夷昔牧豬於此一朝豬化爲石後人遂不敢牧然未聞有異人之迹也茲黃冠者母亦饒初平叱石爲羊之術與大抵神仙好遊戲嚼飯成蜂也飛履化鳧也擲杖爲龍也水暎紙驢肩牽茅狗也向井呼錢于盤唾獺也彈橘裏之棋渡江中之扇也是乃麻姑所謂狡儉變化也

雷擊六人

攷京房易傳云雷電殺人何雷天拒難折衝之臣也君

續黔書卷五

十三

黔南叢書

貴陽文通書局代印

承用節度則雷以節暴人威福則雷電殺人是則謝仙行火巨楔走精蒼旻之賞罰所以補刑戮之所不及也癸亥六月余謝病閒居貴筑有自玉屏來者言月之初七值趁虛日鄉城懋易者咸集南明樓下時天晴霽無雲忽迅雷大震雷火自樓隙穿下市人咸驚慴霎時烟散見六人仆地竅血而死樓柱失半其旁買菜傭誤殛旋蘇焉

種神錄雷誤震死者
蚯蚓擣爛覆臍卽差

後廉實其四人常沃米以

水屨糝糠售之其二人則習用銅鐵白錫諸假銀以誑人者嗟乎博陵血練無雲而殲叔卿剗胸其讐卒斃展

夸隱慝死詎能寬武乙暴橫生未可道在其人方謂碧
翁之蹟蹟而天卒殛之使不得售其術以有其身然則
世之俯張爲幻倖王法之所不能及者雖復服褻毳而
佩嘉榮食正過而挾半石亦難免於辟歷之礮其亦可
以怵心矣

續黔書卷五

十四

黔南叢書
貴陽文通書局代印

武威張 澍壽穀

官鑄

黔中錢局二設於貴陽大定局事卽以知府領之采辦滇銅鼓鑄搭放兵饌余初至黔見市錢猶肉好完具厥後省局私鑄小錢不可用余上書署藩臺董觀橋前輩言之其略曰國家嚴私鑄之律者所以防奸民也今不聞奸民之盜磨取鎔另起鑪竈而峩峩守牧行固駟儉顯犯王章之所不赦市廛之中充然堆積者無輪郭無陰陽一千之貫不滿五寸比於鷺眼緹環同其薄劣入水不沈隨手破裂斗米萬錢指貨千錢小民日用難權子母藏之不可爲泉行之不可爲布甚非所以愛養閭閻通惠商旅也昔高恭有言私鑄薄濫有司糾繩絀網非一以爲旣示之以深利又隨之以重刑尙非政體矧殺雜爲巧以期得贏而逞邪奸者卽官司也彼小民亦旣聞之矣而憲臺曾莫之問以爲不知乎則職居廉訪之謂何以爲知之乎知而不克糾則人不疑錢之不通神不可得矣云云旋司局某告病坐擁巨萬將入都爲

賁郎也

鹽

鹽曰鹹。蟻伊昔官立司鹽縣設海鹽其爲利博而用亦宏矣。自然印成者石鹽也。涇淖未凍者監鹽也。其曰蟻者南裔鹽也。其呼扁者蜀鹽也。其稱餘者越鹽也。其謂鹹者河內鹽也。其名齷齪者戎鹽也。其目渠展者齊鹽也。最下則并州之末鹽刮鹽也。其他爲白爲烏爲紫爲黃爲黑爲紅爲綠之異其色爲苦爲飴爲散爲形爲寒

石之別其味爲𦉳爲印爲乳爲駁爲虎爲鳧爲巨枕

桃作

續黔書卷六

二

黔南羣書

貴陽文通書局代印

者爲水晶爲繖子爲馬齒之殊其狀正復繁賾難紀。羹而調之盃而酥之自不患其齷齪是以鹽有澤于闔匯之鹽有池猗氏販之鹽有山夔峽掘之鹽有井九龍食之黔介滇蜀之中獨不產鹽惟仰給於蜀來遠而價昂洗金之物與金爭價黔之民有不如西域之駝桂平之牛者矣。儻卽伯益之經所紀無鹽之國與

常璩南中志
沮本有鹽井

漢末時巨民共誑盟不開今三郡皆無鹽也案沮卽且蘭三郡卽建寧牂牁平且夫鹽之生也

不擇地或出於鹵或出於井或出於崖或出於石或出於木或出於泉或出於草黔水蹶潯耳自不能熬波出

素而邃洞幽崖深林密箬固所饒也倘司事者精求牢
盆之術廣募亭戶濬掘天藏而與民同味將地不愛寶
靈慶志瑞麟之鬻之肴將溫給則蚩尤之血可漬於蠻
鄉而蛤蜊之波可流於蜃洞彼夙沙翟子豈得獨擅煮
海之功哉

茶

黔之龍里東苗坡及貴定翁栗沖五柯樹擺耳諸處產
茶而出婺川者名高樹茶蠻夷司鸚鵡谿出者名晏茶
色味頗佳近俱不產大吏歲以爲問有司咸買他茶代

餽之

續黔書卷六

三

黔南叢書

貴陽文通書局代印

論曰茶之名見於神農食經毛詩爾雅飲於漢魏盛於
唐宋至今而錄而譜而經人人皆陸羽矣嗜之者以爲
釋滯消壅厭之者以爲瘠氣耗精二者各執其說是猶
邾莒小國不肯降心於齊魯大邦也雖然金蕾珠璣玉
濤素塵香含雪尺秀起雷車采之擷之收英斂華爲酪
蒼頭代酒從事固足以滌煩清暑而不知鬪葭成俗虛
糜泉刀而非徒斛瘕增熱侵肌爲害已也比見近歲上
下競啜清欲霜華甘思露液乳煎碧玉雪翻銀絲鼎鑊

煩於嬌女旗槍至誤夫老兵壘匆至翳桑之報神仙祈
甌犧之餘似檜雨松風醞醜遜味窮春秋覽河圖不如
載茗一車也而鄉鄙摩屨之夫尤致羨於寶文初蕊穆
陀墜葉往往賤售新穀問西園之價希北苑之珍廣術
曲闕茶肆櫛比飲者肩摩足憂昕夕不絕何異海上逐
臭里中效顰乎而商旅懋遷經山川之險博錙銖之利
每以絲絹相易不知涑水雕文之難以爲蘇蘭薪桂之
娛歲費百萬仙靈莫通苦口爲師療饑無術是以有用
之物而易無用之物也攷金史泰和五年光元二年尙
書省臣並奏禁之自七品官以上方許食茶不得賣及
餽獻亦裕財足食之政也今之留心民事者倘可踵而
行之乎

女酒

黔之苗育女數歲時必大釀酒既漉候寒月陂池水竭
以泥密封甕瓶瘞於陂中至春漲水滿亦復不發候女
于歸日因決陂取之以供賓客味甘美不可常得謂之
女酒又有甞酒色紅碧可愛余初至黔飲之經日頭熱
涔涔後畏之如雲白鉤吻問諸人言此酒用胡蔓草汁

澠也

周禮序官女酒三千
注女酒女奴晚酒者

革器

案蒼頡七章有鞞裘一篇言治皮之事今其書簡已逸
韋人職闕不復見古人察革之道矣乃瀆侈鬼方竟擅
絕技不知者疑以爲鬼工言不能及也有問於精手者
則告之曰凡革鍛不擊則易歲治不約則易斷不盞之
水摩其皴膜則無以皴澤不灸之火舒其皴粟則無以
皴張不礪以石則文理無由細緻不窻以土則鑽孔無
由堅齶反是而攻焉而後削之髹之績畫之厥爲鴟夸

續黔書卷六

五

黔南叢書

貴陽文通書局代印

焉可以注蘭生厥爲螭螭盃焉可以穉嘉味以之爲棋局
雖無雞腔之清韻而滑膩足珍以之爲馬韉雖無錦障
之光華而柔韌足翫以及爲盃爲壺爲卮舟爲鈿盒皆
積緻可尙不必鑄縣黎而鑄鱗趾不必雕沉檀而燒宣
窯列於市塵黑如純漆赤如雞冠黃如蒸栗又或縹綠
葱青媽紅油碧羊之肝鷺之血蝶之粉鹿蜀之五采粲
然滿目雖邊鸞花鳥崔蚓蟲魚不是過矣作贗者膠穀
楮爲之飾以漆敷以采光澤華麗猶夫革也觸之浸之
不月而潰敗矣費者不察擲青蚨與朱提是殆以皮相

也

洞錦

錦之以花木名者芙蓉也蒲桃也牡丹也葵花也蓂荷也櫻桃也茱萸也林檎也芝草也皂木也以鳥獸名者對鳳也翔鸞也翻鴻也仙鶴也孔雀也鴛鴦也飛燕也麒麟也金雕也天馬也辟邪也獅團也象眼也走龍也蛟文也龜背也虎頭也以器物名者樓閣也擣蒲也綬帶也銀鈎也盤毬也篋紋也魚油也博山也連璧也雜珠也答暈也方勝也闌婆也皆所謂惣五色而極思藉

續黔書卷六

六

黔南叢書

貴陽文通書局代印

羅紈以發想者矣黎平之曹滴司出洞錦以五色絨爲之亦有花木禽獸各樣精者甲他郡凍之水不敗漬之油不盪是夜郎苗婦之手可與堯時海人爭妙也又有諸葛洞錦出古州皆紅黃絲紗所織甚麗不可用

鐵笛布

永寧鎮寧二州出鐵笛布其織美似蜀之黃潤其精緻似吳之白越其柔輒似波戈之香荃其縝密似金齒之縹疊余不知其何以織也或謂卽桐華布績白桐爲之或又謂緝桑爲之如嶺南容州之用句芒木新會之用

鉤綠藤高昌之用波羅樹惜未問之獬獠又有紋布可爲巾定番禺婦所織潔白如雪拭水不濡用彌年不漬垢膩又有斜文布名順水斑蓋模取銅鼓文以蠟刻板印布者出獨山州爛土司

金星硯

孔方平硯銘云穀理綺文金星玉質以言墨海尙潤也思州之架谿潭產石有金銀點者可琢爲硯唐秀才源以一枚饋石色既未匹垂露匠工復未能割雲以之殺青草彳易於損豪雖注以婺川香墨之水恐不能班采散色漚潤莞翰也嗟乎石墨相著而黑紙筆圖臨爲章邪心讒言無得污白旨哉斯論惟磨不磷涅不銹屹然雅操之君子方露圭角非估估較評郎官樣鶴鵠眼者所知也

苗刀

苗人製刀必經數十鍛故銛銳無比其試刀嘗於路傍伺水牛過一揮牛首落地其牛尙行十許步纔仆蓋犀利之極牛猝未覺也爲之贊曰劍能斬馬鏃工殪虎遯水蠻刀割牛委土搗不留手猶然步武切玉昆吾臙布

析縷驍然銛鋒如缺容柔萬辟千灌試可匪貯

神黃豆

神黃豆產黔之荔波形如槐角子际常豆稍巨服之可永除小兒痘毒服法以每月初二十六爲期半歲每服半粒一歲每服一粒一歲半每服一粒半遞加至三歲則終身不出痘矣或曰案二十四氣服之以二十四粒爲度先用箆瓦火焙去其黑壳碾作細末白水下之

鮓答

壬戌四月余自貴筑返屏宿偏橋之黃絲驛逆旅主人

續黔書卷六

八

黔南叢書

貴陽交通書局代印

馬受暑死腹孕肉囊剖际有物狀如雞子色白椎之甚堅非骨非石層疊周裹多至升許不知爲何僕人以示余余案本草有鮓答生牛馬諸畜肝膽此宜是矣西域蒙古祈雨以鮓答石浸水中咒之輒有驗其人亦名鮓答氣鮓答在畜腎尤良形如鸚鵡嘴者爲最重大可如拳或黃或白生剖得者爲靈物或言能治奇疾難名者是又不止祈雨也又聞牛有黃在膽黃一名丑寶馬有墨在腎狗有寶在肺鹿有璠在首羊有卵石在腹驢有媚在口

燕麥

尔正薈雀麥郭注雀麥卽燕麥有毛案卽穆天子傳之
野麥內經之迦師郭義恭廣志之析草孟康漢書注之
斯禾張華博物志之薈草也楊升菴以江淮所進之烏
味草當之繆矣羅鬼國禾米亦佳土人以燕麥爲正糧
燕麥狀如麥外皆糠糲內有芥子一粒色黃可食羣苗
以此爲麪每人製一羊皮袋盛數升塗饑輒就山澗調
食謂之香麪其地賴此甚多古語云兔絲燕麥徒有其
名殊未然也博物志謂人食燕麥骨節斷解者亦妄

續黔書卷六

九

黔南叢書

貴陽文通書局代印

羊肚菌

爾正中馗菌郭璞云江東名土菌曰馗廚孫炎云地蕈
亦曰地雞又有獐頭獠眼雞瓊松蛾桑鶯楮雞榆肉等
類皆極香而可食黔之深菁邃洞人跡罕至往往爲苗
獠所踞采食山毛古樹內多生牛肚大菌潔白如雪重
或一二斤食之雖元都綺葱碧海琅菜千品甘露之饌
百花珍藥之菓不是過也余代庖古城日苗人曾獻之
又有木薑實如胡椒味辛可佐食

降眞香

名香多出古木若鷓鴣斑生於木坎迦南生於黑木艾
納生於栝松奇藍一作男亦作南生於榕樹安息生於辟邪樹
膽八生於木犀篤耨生於真臘之杉木金顏打魔迷迭
薰陸返生之皆爲樹脂又如蜜沈棧雞骨黃熟雞舌馬
蹠青桂八香同出於一樹黔之貴陽府境出降真香燒
之可感引鶴降醮星辰宜焚之凡宅舍怪異疫癘刃傷
燒之立驗小兒尤宜帶之蓋此香在深林密箐懸巖之
古藤上人跡不到霜饜雪虐經歷歲月肉皮俱爛赤心
如鐵故其香勁而遠也以生於藤又名紫藤香云

續黔書卷之七

黔南叢書第 集

武威張 樹壽穀

梓枏

黔中昔饒梓枏播州更蕃以桐梓名縣猶酸棗之姓溝
豫章之氏郡也近者棐伐濯濯無能化牛矣余至播所
見拱把數株殊無巨抱者案梓亦有數種木理白者爲
梓赤者爲楸似楸有角者名角梓黃色無子者名柳楸
楸之小葉者爲榎榎卽說文所云櫝也梓之實古今注
云豫章也梓之桐皮梓實而美者爲椅尸子謂荆有長

續黔書卷七

一

黔南叢書
貴陽文通書局代印

松文椅是也又有鼠梓一名楔詩云北山有楔卽此木
也又有虎梓江東是植史記貨殖傳山居千章之材徐
廣云材漢書作萩樂彥云萩梓木也左傳伐雍門之萩
字又作櫛晏子春秋景公登箒室而望見人有斷雍門
之櫛者卽萩也梓亦作杼尙書梓材古文作杼材也枏
木其樹直上若幢蓋之狀葉似桑子似杏今作楠爾雅
以爲枏

枏

貴陽鄧玉峯

海甲寅
科房師

先生之居花卉頗饒有樹焉秋時

結實較木瓜微大摘味之似梨而酢瀟或謂卽楸余案蓋粗也夫粗榼也李時珍曰榼乃木瓜之大者榼子乃木瓜之小者榼榼則榼類之生於北方者三物與木瓜一類而實不同詩之木李通志略之蠻榼埤雅之木梨皆謂粗也

邛竹

昔我家博望侯至大夏得安石榴蒟醬並得筇竹賈人言市之身毒國也身毒索隱音乾篤或曰賢豆亦曰天毒漢書作天竺逸周書作天竹杜篤傳作天筑或作天

續黔書卷七

二

黔南叢書
貴陽文通書局代印

督通志略云天竺卽捐毒也田山薑以爲邛竹出蜀之臨邛謬矣夫黔之氏貴竹也以生筇竹也筇竹亦作桂竹零陵記所稱桂竹之野產桂竹是也攷山海經雲山竹竹譜引無草木有桂竹甚毒傷人必死竹譜云棘竹一

名芳竹扶疎森然大者圍二尺可禦盜賊又交趾有策竹實中勁強有毒銳以刺虎中之則死皆桂竹之屬亦生筇竹劉逵注蜀都賦云筇竹出興古盤江以南卽山海經之扶竹也余至黔中經歷數郡凡遇叢薄幽藹輒爲之拂升斤聽禽橄芴皇其下賞赤箬綠筒之修篁翫

育蟲雲母之嫩籜然未見梢雲百尋摩月千尺望之似
甕剖之爲甑遠之爲舩者母亦土薄水淺霧重烟荒不
能畜此礪礪之奇節乎其萋蒨高原夔連重谷檀欒
夾水櫺臺圍塘青嵐運帚碧空掃煙浮筠之簞上葳蕤
而防露嬋娟之篠下瀟瑟而來風予也吟句對青學仙
服汁納千畝於胸中傲清貧之太守非得竹王之胎鬱
爲茂林何以有此平安之報哉

重臺蓮

世閒花卉無踰扶藁者蓋諸花皆藉喧風餘日獨蓮花

續黔書卷七

三

黔南叢書

貴陽交通書局代印

得意於水月其香清涼雖葉亦自馥也周濂谿比之君
子曾端伯稱爲淨友洵不謬矣余至黔聞滇池中產衣
鉢蓮有赤白青三種卽梵書所謂頭波摩芬陀利優鉢
羅也而玉屏署前後饒白蓮月白風清雅足幽賞癸亥
之夏印江梁秋湄明府書來言衙中菡萏盛拆皆千葉
三出凡六層房中攢出之花更明豔可人無慮數千朵
雖太液之華萃銅池之望舒難以方矣其友人周唵虎
有池中蓮詩寄余

附周斫池中蓮詩

山之盤兮中阿芙蓉池兮水激波待朝曦兮花明襲高
柳兮翠煙橫午風初兮雲爛含芳華兮尙舒以半望美
人兮不來前獨徘徊兮碧漪漣寂寞兮誰親饒邨夫兮
弗可與鄰中惆悵兮難言白萍飄兮若無根有君子兮
水之央遠不可接兮顧瞻而襄羊惠我兮光澤尙無違
兮我思積思積兮情憐怕聽聞兮夕陽蟬蒼蒼兮莫色
欲晏兮恐難息自今兮相期永追隨兮切莫我遺

蘭

楚詞云余既滋蘭之九畹兮又樹蕙之百畹注蘭爲都

續黔書卷七

四

黔南叢書
貴陽文通書局代印

梁香與澤蘭似澤蘭又名虎蘭譜云春蘭葉細夏蘭葉
細而長秋蘭葉大而澤冬蘭葉差大葉皆不凋春蘭
一幹一花夏秋冬蘭皆一幹十數花山蘭瘠而小建蘭
肥而大丫蘭最貴莖葉生歧枝也廣志云蕙草綠葉紫
花鄭樵曰卽零陵香葉可代香非今之蘭審矣後人不
識蘭草蘭花爲二種遂以一幹一花者爲蘭一幹數花
者爲蕙號曰蘭蕙啓矣黔雖荒徼亦有燕尾魚魷披拂
於長坂曲溪樵者輒隨衆草刈之以爲薪余於馬鞍山
在順州采得六本莖於庭前聞之甚醜醜與朱子所謂葉

無氣質易萎弱者迥不同乃眞王者香也爲歌離騷一章

循隱谷兮襄羊聞幽蘭兮歎香言采朱兮緝蘭芳菲菲
兮彌章峯紫莖兮擘綠葉羌羅生兮山之疊矚翠羽兮
回翔汜光風兮膏露接忽反顧兮浩歎公子去兮雲端
無同心兮當門忌秋風敗之兮余涕洟瀾戶服艾兮盈
鬻曾不知靡蕪之清高豈其未見兮九畹實秉德之不
昭蓺吾選兮豁吾扁如游蘭澤兮登蘭亭願芳馨以自
愛兮長無絕此青青

續黔書卷七

五

黔南叢書

貴陽交通書局代印

長壽草

廣順署後卽馬鞍山古樹叢林虬蟠雲結而懸崖階陔
尤饒奇草鬱鬱葱葱要皆神農磨曆之所未嘗壯武博
物之所未志也暇日搗衣而上柔茵綠鋪敞人眉宇爰
藉之賞玩見有葉舒如梅瓣者圓莖脩枝枝卽抽於葉
心枝各一花花分五瓣色深碧中藥須猩紅亭亭蓓秀
不與羣草伍問之小隸對曰長壽草也聳然異之夫員
邱有不死之樹食之延壽郭景純游仙之所詠也洛陽
光明殿前有長生樹二株晉華林園植長生樹二株皆

樹也惟周髀算經言中衡左右冬有不死之花漢武時
日支國獻活人草三莖死者將草覆面卽活又河圖玉
版云防風之二臣以刃自貫其心而死禹哀之乃拔其
刃療以不死之草是皆渠窟真宅靈嶽名山乃產此嘉
卉供仙夫之餐黔蠻鄉也毒霧淫霖蒸生野莽蔓延充
塞道弗難行每思如薤氏法刈夸蘊崇之矣無論無朝
虹之垂輪芳苾之戲鳳洞冥之燭夜望舒之隨時吉雲
之飼織離馬地日之招三足鳥卽卻睡迎涼之葉護門
懷夢之芫組綸布帛之英功德文章之秀概未之見顧
安得長壽名葩媿祖洲返魂之香驂瓊苑養神之芝哉
或異域音訛稱僞未可知也然聞今廣西柳州亦有不
死之草如茅食之多壽此草疑卽山海經之蘋草云

朱草

黔南巖石之間有草焉如小桑狀枝莖似珊瑚長三四
尺刺之如皿與援神契之言朱草無異諒卽朱草也或
据三禮義宗難之謂王者施德有常則應德而生與紫
脫朱英皆爲上瑞安得叢生於蠻域余案抱朴子曰今
西山誥母所種之朱草頗異他處少平湯飲輒致口鼻

出而此草可種不必其嘉祥也矧古人嘗曰之染絳乎

海棠

舊聞海棠無香惟四川重慶府昌州所產者有之余至黔聞大定海棠極蕃其香最清烈質之士人良信

附詩

萬朵晴雲簇曉霞高燒銀燭仙姝家春睡方濃慵少力
紅膚卷袖烘輕紗啼臉恍如醉宿酒賸脂零粉抹纖手
絳脣惟笑桃李羸靚妝但覺芙蓉醜何圖名花出瘴鄉

續黔書卷七

七

黔南叢書
貴陽文通書局代印

造物有意深且長往往佳人在空谷天然絕色生清香
從今可消澗材恨李舟定幸佳郡願香國築得香閣高
臨風底事嫌家遠

蠟樹

天下無無用之物蠶之齧桑作緝蜂之采花爲蜜構木
作羹萋葉作醬夫人而利賴之矣又如桄榔木有麩文
榲木有粉都句木有屑羊刺草有蜜椰子核頓遜樹加
蒙嚴樹檣木蝦蟇丹樹有酒女國產鹽草滇南生酸角
西蜀出糖樹均足適用又波斯有齊噉一作果西域出

摩廚子真蠟種咸平樹亦可調羹以予所見之蠟樹爲尤足貴取蠟之法於四月內將蠟蟲置女貞樹上蟲吸樹脂兩三月後漸長如蠶遂吐蠟捲抱樹枝瑩白成片九月間采取煎熬作餅各夷洞慣畜蠟蟲漢民亦間畜之每二三月進洞收買蟲凡一斗常價用銀一兩四五錢貴至二兩外賤極亦一兩畜蟲亦在四月中布種女貞樹函史謂之水楸樹似女貞而異但蟲必俟一季方收蠟則半歲可得故漢民孀於收蟲與蠟俱蠟蟲所生共在一殼內大如豆上而赤色者爲蟲其下稍白者

續黔書卷七

八

黔南叢書
貴陽交通書局代印

爲蠟蟲一樹止可放三四顆蠟一樹可放二十餘顆也本草會編云蠟蟲食冬青樹汁久而化爲白脂粉敷樹枝人謂蠟蟲著樹而生至秋刮取以水煮溶濾置冷水則凝結成塊炙文理如石膏而瑩徹可和油作燭羣芳譜云蠟蟲微時白色大如蟻蝨作蠟及老則赤黑色乃結苞於樹枝初若黍米大入春漸長大如雞頭子紫赤色纍纍抱枝宛若樹之結實蓋蟲將遺卵作房正如雀窠蠟蟬之類俗呼爲蠟種亦曰蠟子子內皆白卵如細蟻一包數百凡寄子皆於夏前三日內從樹上連枝剪

下去下去餘枝獨留寸許令抱木或三四顆乃至十餘顆作一簇或單顆亦連枝剪之剪訖用稻穀浸水半日許漉去水剝下蟲顆浸水中一刻許取起用竹箬虛包之大者三四顆小者六七顆作一包勒草束之置潔淨甕中若陰雨頓甕中可數日天熱其子多併出宜速寄之寄法取箬包剪去角作孔如豈大仍用草繫樹枝間其子多少視枝大小斟酌之枝大如指者可寄枝太細榦太粗者勿寄寄後數日閒鳥來啄箬包攫取子勤驅之天漸暖蟲漸出包先緣樹上下行若樹根有草卽附草不復上又防蟻食蟲樹上須芟刈極淨次行至葉底棲止更數日復下至枝條齧皮入啞食其脂液因作花狀如凝霜也

續黔書卷七

九

黔南叢書

貴陽交通書局代印

武威張 澍壽穀

孝獸

思南有甌峯盤互銅仁思州石阡數百里大木碩少莫不茂者騰林拂雲幽煙冥緬穹崖造漢亢石無階杳無人人居人蹤亦不能到所產草木多異狀有獸焉形類獼猴而大尾長四五尺而歧端色蒼黃鼻露向上兩卽自懸於樹以尾塞鼻或以兩指爾雅所謂雌也巢於樹老者居上子孫以次居下老者簡出子孫搜巖得果卽傳

續黔書卷八

一

黔南叢書

貴陽文通書局代印

遞而上薦老者食食已然後傳遞至下上者未食下者不敢嘗先王用以繪於尊彝取其孝也案寓屬小而尾短者猴也似猴而多髯者虞也小於猴文采蔚然者果下豹也似猴而大者獾也大而尾長赤目者禺也似狢而大者果然也九真人號歌然似狢而小者蒙頌也一名蒙貴似狢而善躍越者獬豸也似猴而長臂者媛也似媛而狗首以媛爲雌者獬豸也又名獬豸似媛而金尾者狢也似媛而大能食媛者獨也食猴者獬也卽鼻者狢也狢卽雌也南人名之曰仙猴也郭景純贊云禺

屬之才莫過於雌雨則自懸塞鼻以尾厥形雖陋列象
宗彝余賡贊曰蟻穴蜂房君臣道章鵠行雁序兄弟燕
處鴛遷雞呼朋友印須鳩摯鴛別夫婦締結惟鳥能哺
惟羔能乳愛深養隆曰父曰母云何蒼雌念厥顧復嘉
果摘來爰薦耄壽嗟嗟世人誰無二親商賈逐末學爵
空陳士也遠宦鐘鼎自榮繫昔子輿益母長獻亦有周
磐感懷魴魚銜索幾蠹奉檄樂胥蒼蒼者天薄薄者地
罔極鴻慈豈惟酒食此而不將嬾媿所戲

豪彘

續黔書卷八

二

黔南叢書

貴陽文通書局代印

物之自爲雌雄者豈爰之類沛帶山之鷓鴣或云卽鷓
離陽山之象蛇火眼之狡貌而豪彘亦然其爲狀如豚
而白毛如笄而黑端夾脾有羸豪長數尺能以脊上豪
射物郭景純謂之豕豬長楊賦注謂之豨獠通志略謂
之山豬唐本草謂之蒿豬亦謂之獠獠吳楚又呼爲豨
豬也大定府有之俗名刺豬苗人拾其豪以爲簪猶海
嶠之用蝦須也聞海南有泡魚大如斗身有棘刺能化
爲豪豬夫異爲魚坎爲豕異變爲坎理或然矣

穆天子
傳有豪

馬豪羊豪牛郭注豪豨
也與豪豬之豪不同

水馬

西域以羊臍種土中溉以水聞雷而生臍繫地內及長驚以木聲臍斷便行蓄草至秋可食臍內復有種此物之至奇者也而人或未之信史記大宛傳正義引宋膺異物志云秦之北附庸小邑有羊羔自然生於土中候其欲萌築牆繞之恐爲獸所食其臍與地連割絕則死擊物驚之乃驚鳴臍遂絕則逐水草爲羣劉郁西行記亦言之黔之養龍阬兩山相夾深池涵焉嘗出神馬明洪武四年僞夏明昇獻馬十其一白者首高九尺長丈

續黔書卷八

三

黔南叢書

貴陽文通書局代印

餘乃得之於此也夫諸毗文臂渥洼蒲梢余吾龍友青海驄駒往牒可稽已漢肅宗元和中神馬四匹出滇池中魏黃初聞於上黨得澤馬晉孝武太元十四年滇池縣河水有神馬二匹唐明皇靈昌郡得異馬於河皆水馬也隨巢子云夏后之興方澤出馬良不誣矣再考襄陽記中廬山有地穴漢時常有數百匹馬出遂名馬穴吳時陸遜復於此穴得數十匹馬出土中一異也唐書南詔傳越賧之西多薦草產善馬始生若羔歲中紐莎縻之飲以米藩七年可御日馳數百里馬出於草更

一異也庶物之生俶詭萬變魚非羽族文鱗翔風獸爲
毛羣靈駢戲水而且谿邊之狗巢木地下亦復賈生圓
嶠之蠶眠火中又復鼠產韻外之事何能具言昧者
不察徒執游牧攻駒曷與之循會無而涉元謀之河哉

魏略海西國之六畜皆出水其用水
羊羣爲布名海西布也亦見西域傳

小羊

吾涼出封羊其背如駝高者六尺許春夏之交青草豐
茂毛澤而肥食其肉可以勝身飲其酪可以養性眞俊
味也余來黔一載矣雖日飾廚傳給供驛使未嘗自求

續黔書卷八

四

黔南叢書
貴陽文通書局代印

口食以快端頗有郤民饋一羊辭不獲受之不忍無故
而殺養於驛內數月偶至牧所視焉輒來依依裾閒不
去稱之則十三斤如六七月之犖羣也案杜預奏事言
魏興北山有野羊千數百斤其形不與中土羊相似廣
志云驢羊似驢今黔之驢竟無龐然大者而羊復么麼
抑又何耶

論曰余聞之下式云非獨羊也治民亦猶是也惡者輒
去無令敗羣式其人雖不足取而言則不易今之牧民
者以神自畜既不能禁觶譎之朝飲復不能如甍齶之

觸邪而肉食者鄙反視獷首之民而不恤是何異狼牧羊也

箐雞

逸周書王會解云蜀人以文鶡文鶡者若翬雉孔晁注云鳥有文采者皋雉似鳧冀州謂之澤特臨海異物志云杉雞常在杉樹下頭上有長黃毛如冠頭及頸正青如垂綉今水西出箐雞高尺許或畜之見人輒避去終不馴擾而長尾白羽羽之周遭黑文緣之如淡墨所畫是箐雞與杉雞同亦文鶡之類也

續黔書卷八

五

黔南叢書

貴陽文通書局代印

人首魚

癸亥之五月鎮遠霪霖濼江暴漲上流夾岸人居埒雞牢豕悉被沖汎鎮之漁咸飛擢爭取忽洪波卓立盤渦雷轟見一巨魚人首長徑丈鬚鬣殷紅衝網駛去趙子海涵自鎮遠來親見爲余言之嘗考竹書云禹治洪水觀於河見長人白面魚身出曰吾河精也徐鍇稽神錄云謝仲玉者見婦人出沒水中腰以下皆魚迹異記云查道奉使高麗見海沙中一婦人肘後有細一作紅鬣命扶於水中拜手感戀而沒乃人魚也嶺海異聞云人魚

長四尺許體髮牝牡人也惟背有短鬣微紅注卽山經
西海之陵亦作鮫魚也鄧元錫物性志云姑射山有鮫魚
人面人手魚身見則風濤起夫蚨青類人首辛羅類人
足戚車類人男陰文嚙類女陰亦名東海夫人凡此瑰
異悉產巨浸黔江何以有此如以元錫之言見則有風
濤之異今夏久夷晏浪雍觀潛蹤未嘗起颺颺而驚衍
溢也殊不可解

鱸魚

金齏玉膾舊稱東南嘉味六書故謂其肉毳者尤美案

續黔書卷八

六

黔南叢書

貴陽文通書局代印

亦有二種脍鱸海中有之皮緊而肉厚爛鱸江海俱有
比脍鱸差小而味淡玉屏之平江產鱸巨口細鱗肉白
如雪不終日色不變而有四顛天生膾材也然不能如
北固山下一出手便釣得四十九枚如謝孚所云或謂
天下之鱸皆兩顛惟松江鱸四顛非竝不知盧清臣殆
亦侔於營廷之魚矣崑山有三顛鱸

小蟹

夢谿筆譚云關中無蟹偶收得者怖其狀以爲怪物有
病瘡者懸諸戶則立瘥言鬼畏之也黔爲鬼方卽無腸

公子郭素橫行彼鬣首鑱耳之偷且易而翫之矣余來
斯邦暇則徵風采俗訪之無有也後乃知鎮遠之鐵谿
產小蟹焉與箴魚沙蝦潛响沫於澗石而鎮寧之清泉
中產異蟹或赤或紫色極鮮妍雖洛水文鱗珠海石蛙
亡以喻也夫波斯之蟹與神搏江南之蟹與虎鬪海陽
之蟹專車女丑之蟹千里而北溟之蟹一螯加於山善
苑國之蟹長九尺百足四螯尤爲足異若茲之纖纖其
不足篝火以尋也審矣儻使鸚鵡之嘴爬沙熊谿而虎
豹之鬪擁劍牂江當霜天菊黃壺曾竹之甯醪盤都雲
之香橘左持彭越右把長卿蹈吏部之疎狂藐監州之
矍眊笑蔡謨之督讖嗤陶穀之妄評則予也樂尊前風
味忘口裏雌黃亦可以無異域之歎乃冠裳之狙竟畏
毒霧而不生或生之而大僅如指不能供老饕之一嚼
豈不偵哉

圓蛇

蛇之善者惟升卿其惡者曰博叔然乎蛇食墜蛆蛇噬
鹿巴蛇吞象活禱捕鼠要皆形狀宛若可爲趨避未有
蹤跡詭異厥毒奇酷如圓蛇者也圓蛇產古州八萬土

司中圓如卵有五采文或山水花鳥竹木歷歷如續狀
同六合石子人見之無不欣愛拾而撫摩之不忍遽舍
去少頃得人氣於中心迸出一頭口目畢具舌如火輪
齧人無幸免者人斃處草木枯槁泥土焦烈人不敢由
此行皆迂道以避三季始復然其土猶毒苗人以篋斨
矢插其處七日夜射人卽殞酷於狸子焦銅之鏑又有
脆蛇長尺有二寸見人輒躍起數尺跌爲十二段須臾
復合爲一卽淮南子所謂神蛇也用山薑紀之特詳

唧唧

續黔書卷八

八

黔南叢書

貴陽文通書局代印

山石之間有物焉形似蛙又似鮎色青味鮮美苗人得
之進上客呼之爲唧唧案字書無唧字其從土者土精
也宋時徐廷評監廬州酒稅河次得一物如小兒掌無
指懼而埋之或曰此白澤圖所謂唧也食之多力又一
名封與此形狀懸殊案交州記陶璜築城於土穴中得
一物白色形如蠶蛹無頭長數丈大十圍輾輾能動割
腹肉如豬脂以爲膳香美遁甲開山圖雲師生霍山長
五六寸有毛似兔雨時出在石上肉甘可炙食或曰石
蠶之類卽雨虎也本草云石蛤在石中藏蟄似蝦蟆而

大黃色能吞氣飲風露可食疑唧唧卽石蠶石蛤之類
又白澤圖云千季木中有蟲名賈詘狀如豚食之味如

狗尤奇也

按賈詘卽平侯

九香蟲

余髫年在外馬足車塵閒關萬里得勞疾恨無翠蘇之
我遺也目見潢池弄兵梁渠舞羽黔首流冗得痛疾恨
無葦荔之我惠也改官於外無吏才牒訴倥傯敲撲喧
囂耳遂以讐恨無文莖之見贈也民陝輸而苗割盤上
下喾窳是非區霧憤放手者之類越貨也則忿之甚思

續黔書卷八

九

黔南叢書

貴陽交通書局代印

得帝休服之握符衝塗日惟供億稱媿之是急無瞬晷
展卷幼時所誦經書茫如夢寐是爲忘疾思得迷穀佩
之時復勘地巡稼登峻岑冒毒霧飢飲不時得痔疾誰
則投我以赤翁之櫟烏蛇尾之虎蛟者兼此六疾百里
何堪乃者挂冠引退囊無阿堵甌無洗耙飢腸時作鐘
球鳴也暇輒覽列仙傳慕葛稚川之爲人便有意縱志
舒節以馳大區與造化者俱又念夙無仙才未必有仙
骨私覬選崔文負局食我以黃散餌我以紫丸庶蝸甲
濁穢拾階霄霓迅千靈於一朝方塵劫於俄頃茲聞畢

節之赤水出九香蟲服之身輕喜甚詢之士人言蟲生
澗水中春夏出遊水面者不可用秋冬潛伏澗石土人
掀石得之售人服法用十四枚微火炒去殼翅及足七
枚去殼翅足生用每服一生一熟作一次嚼食白湯下
日服二三次俱可用完十四枝而止儻余得是蟲也不
羨苟扁之丹砂矣或曰服之尤宜子云

續黔書卷八

十

黔南叢書

貴陽文通書局代印

右續黔書八卷 國朝張澍撰按澍字介侯一字壽穀

武威嘉慶己未進士選庶吉士改官知縣是書初名黔中紀聞後易今名蒙蒙齋先生黔書而名之也文字奇

奧若積薪矣方壽穀之出宰黔中也負儼儼瑰瑋材轍

軻百里屏營彈丸閒似不堪展驥者乃其議捍水也則

曰用工不過百人爲期不過一月防苗警也則曰屏邑

雖小苗不足憂毋亦牛刀小試耶又壽穀未弱冠登磨

圍旋改外職似年少不更事者乃其愍夫馬也則曰無

良之徒且借此以獵民既脫其脂膏復疲其筋骨治盜

續黔書跋

一

黔南叢書
貴陽文通書局代印

賊也則曰以虛不以實不用捕而用儻擒伏懲姦有過

老吏又蒙蒙齋先生之撫黔也首以疏請建學爲務而壽

穀之攝篆廣順也亦著茂學篇以詔州人士前驅後馳

如出一轍宜黔人士頌聲勿替也觀壽穀之紀萬卷書

巖云余既不得讀中秘書而來此何敢薄民社爲粗官

但一行作吏此事遂廢每當敲撲犯虛牒訴裝懷之時

登臨舒嘯坐擁萬卷不啻南面百城而塵容俗狀俱爲

之一洗是亦遷宦之至樂也壽穀匈肌概可知矣光緒

乙亥夏至令節南海伍紹棠謹跋

校刊續黔書跋

四庫提要謂田雯所作黔書筆力頗稱奇偉而意在修飾文彩於事實亦未臚具武威張介侯之續黔書修飾文彩殆又甚焉今據粵雅堂叢書本校印續黔書敬竚與李君紫光分任是書校讎之役自維謏陋苦其難讀過於儀禮顧又不能辭謝則謂與窮日力以赴之不敢遂謂犁然有當而毫髮之無憾也介侯此書雖志乘之屬猶之文耳養素堂文集中收入續黔書記文諸作十之二三其爲書率依史漢書存古字例變而加厲以小

續黔書

跋

一

黔南叢書

貴陽交通書局代印

學篆籀之體行之更采諸字書中奇字或體以益之爲例不純輾轉刊印譌敝益甚加之意在文彩搏撻艱僻典實字句充塞篇幅讀者瞠目終之殆難校讎之役數經往復益以重困嗣得貴陽熊氏刊本校之初疑熊氏苦其難讀時或以己意武斷改易之也校至終篇覺其與粵雅堂本大相逕庭增減不同者甚多以爲大疑既詳繹之得其行文關鍵一一印証熊氏本蓋初稿較爲簡易復聞陳衡山文言熊氏刊行之本在光緒十五年確係得諸唐子尙君家藏鈔寫祕本由是可知熊氏據

以刊行之寫本斷爲介侯未定之藁養素堂集粵雅堂叢書則介侯已定藁本所刊布而疑可釋然矣介侯宦黔續黔書未定之藁在黔固不足異但不知其何以輾轉入於唐氏之手珍爲祕籍復歸熊氏據以刊行爲一歧出之本也今校此書亦時采熊氏本以明之雖非校讎正法固猶介侯本來面目或竟欲易其字體以與田氏書相合則又不可校讎之學終以存其真者爲宜惟書局鉛字排印譌誤甚多良由粵雅堂本之有沿誤不能專咎書局校既竟爲勘誤表以正之識其崖末如此

續黔書

跋

一一

黔南叢書

貴陽文通書局代印

中華民國甲子三月貴陽王敬彝蔬農甫跋

續黔書勘誤表

卷次頁數行數誤正附記

目錄首

三十八十八挾峽

卷一 二 十八 并 非

卷一 四 二 一 舉 舉

卷一 六 十八 西 西

卷一 八 十六 壻 壻

卷一 八 十八 顛 顛

卷一 九 十七 懸 匿

續黔書

勘誤表

一

黔南叢書
貴陽交通書局代印

卷一 十 二 親 親

卷一 十五 五 能 熊

卷一 十五 十 系 辛

卷二 二 一 些 北

卷二 三 一 五 戶 戶

卷二 六 一 四四面 四面
四字重應刪去

卷二 六 四 曷 曷

卷二 九 十七 嘉 喜

卷二 十 六 願 願

卷二 十 十五 竅 竅

卷二 十一 五 噫 憶

卷二 十一 十 南思 思南

卷二 十一 十六 駮 鯨

卷二 十二 七 芊 羊

卷二 十三 五 蹇偃 偃蹇

卷二 十四 十六 幅 福

卷二 十五 四 愚 思

卷二 十五 十八 其 共

續黔書

勘誤表

二

黔南叢書

貴陽交通書局代印

卷三 一 七 郿 郿

卷三 一 十 置黔中 置黔州
依熊氏本更正

卷三 一 十四 隨 隋

卷三 二 十四 媚 娟

卷三 三 四 椀 椀

卷三 三 九 芊 羊

卷三 五 十四 分天下為十三郡 武陵屬射州 郿 郿

卷三 五 十五 益州郡屬 郿州郡屬 郿 郿

卷三 六 四 據 據

貴陽交通書局代印

卷三

八

七

太

大

卷四

一

十七

互

亘

卷四

二

二

舉

舉

卷四

四

二

緣

緣

卷四

四

十六

如如

自如

卷四

五

十五

蒲

捕

卷四

六

二

冀

翼

卷四

六

六

覺風麻玉
筥

覺天台匡
廬

依熊氏本更正

卷四

十

五

拜

拜

續黔書

勘誤表

三

黔南叢書

貴陽文通書局代印

卷四

十三

十五

禽

禽

卷四

十四

十五

淵

潤

卷四

十五

十七

貽

貽

卷四

十六

十一

博

搏

卷四

十六

十七

鰓

鰓

卷四

十七

八

雖雞翹雖呂梁龍
洪之險門之險

依熊氏本更正

卷四

十七

十五

互

亘

卷四

十七

十七

未

爲

卷四

十八

八

軼

軼

卷四 十八 十一 履 屐

卷四 十九 十六 雞 鷄

卷四 二十 十四 則彼 彼則

卷四 二十一 十六 井 井

卷四 二十二 十五 裕裕 裕裕

卷五 一 十五 互 互

卷五 二 十 也 否本在前 否本在前 也字刪去

卷五 七 十三 鳩 鳩

卷五 十一 六 衣甚須捷 衣甚襪縷 依熊氏本更正

續馬書

勸誤表 四

黔南叢書 貴陽文通書局代印

卷五 十二 十二 與牛鬪也 鐘與牛鬪 鐘字遺落應添上

卷六 一 八 鐸 鎔

卷六 三 十五 擷 擷

卷六 四 一 鼎鑿煩於 於嬌女 鼎鑿或煩 或字遺落應添上

卷六 六 七 蒲 蒲

卷六 六 十一 凍 凍

卷六 七 一 波 婆

卷六 七 十 薨 柔

卷六 九 十一 東 東

卷七

五

三

言采朱兮
細蘭

卷七

六

四

渠
輿

卷七

六

十八

平
年

卷七

九

一

剪下去下
去餘枝
剪下去餘
枝
下去二字重應
刪去

卷七

九

十

上
下

卷八

一

四

互
亘

卷八

一

十一

寓
禺

卷八

二

四

曰父曰母
曰母曰父

卷八

二

十八

豪羊豪牛
豪牛豪羊

續黔書

勸誤表 五

黔南叢書

卷八

四

十

端
朶

卷八

四

十

郜
郜

卷八

七

一

倫
倫

卷八

八

八

用
田

卷八

九

七

革
草

卷八

九

七

樸
撲


卷八

十

五

枝
枚

貴陽交通書局代印



黔南叢書 第二集第六冊

庚午秋志清贈于北亭

序

		卷 八	卷 八	卷 八	卷 八	卷 八	卷 八	卷 八
		十	九	九	八	七	四	四
		五	七	七	八	一	十	十
		枝	樸	草	用	倫	郤	端
		枚	撲	草	田	倫	郤	朶

